

愚山詩集

施愚山先生學餘詩集卷之十六

七言古

青藤引

青藤書屋徐文長讀書處藤大如斗徐自稱青  
藤道人後爲陳章侯宅今陳歿數年而青藤爲  
風雷所壞感而賦之

青藤青藤爾生幾百載幾見桑田與滄海霜根拔地石  
谿訝翠葉垂天雲鬣隸下根伏積雪上幹棲真宰小山  
叢桂不敢望若木扶桑勢相抗葛陂仙叟騎作龍襄陽  
老顛拜爲丈千年盤鬱精靈開腹空火起轟奔雷嗟峨  
石柱倒燦爛金臺摧豐隆行歎息屏翳坐徘徊嗟爾青

藤胡爲乎頽哉昔日天池讀書處狂歌大叫倚藤樹又

聞丹青老蓮子陳章侯自號老蓮解衣醉卧呼不起蘭亭客散

纏荆榛風吟雨嘯空悲辛自古才人所託迹會能白日

生霹靂青藤青藤我欲南登石梁遊金庭策爾爲杖兮

爾騫騰

象山謠懷同年顧雙丸也

象山令居東海中往來飄忽隨天風夜見魚眼波濤紅

捨舟登岫豺虎窟伏莽健兒復馳突夾路杈枒堆白骨

城中罷市無居民秣馬無粟爨無薪冠蓋使者坐生嗔

爲語象山令請君勿太息昔何白誓今鷲黑挂冠高枕

何可得

怪風行

海州白晝黃塵昏烈風倒海搖山根城崩一角塞城門  
兒童大叫相追奔有客擁衾臥高閣屋瓦翻飛如卷籜  
驚禽駭獸無處所黃輿欲裂蒼穹薄海濱自昔多颶風  
父老祇今皆錯愕孤城屢破血痕腥風鶴喧呼猶膽落  
天豈驅除此子遺茫茫吹盡成廣漠風伯飛廉有倦時  
願君返轡收靈旗高山大壑無轉移於乎四海十年甲  
兵不得息風塵瀕洞何終極

海東謠

海東旱三年矣施子過之減騶併食歌促急不  
成聲竊比於海人之謠云爾

黑山先生詩集 卷一 二  
海中陰火燒扶桑專車魚骨擎爲梁截骨爲臼春無糧  
囑兒忍饑勿夜哭牆頭跳叫多豺狼

二

場丁鹺賈無完屋一握黃梁鹽十斛差科絡繹相驅逐  
前日路死骨未收且緩須臾莫鞭扑

三

黃蒿颯颯風啾啾遺黎眼枯無淚流賣男得錢新買牛  
墾荒給種聖人出何時親幸海東頭

太函山房歌寄汪文岫

是司馬伯玉先生孫

司馬文章射雕手武庫森森無不有左拍歷下右婁東  
奇書萬卷皆蝌蚪騰驤後勁有開孫墨汁沉酬作杯酒

爲求嘉饌開心脾買得銀鱗箸未下水盤移贈及朝炊  
同心復有季黃門越陌相存如弟昆江陰子鱈來千里  
蘭陵美酒分一尊病夫七箸猶未健感此意氣加盤殮  
吾豈小人懷口腹朋友膠漆古所敦况有新詩療饑渴  
五侯之鯖何足論

家叔生日聞留滯山陰有作

我今通籍七年餘服官僅滿三百日野人不合遊金門  
半是艱難半愁疾往事傷心勿復言坎壈只今猶未畢  
風塵馬上倦開顏兒女夢中來繞膝薔薇花盡榴花開  
愁劇佳辰罷舉杯冠蓋滿堂非骨肉富貴於我何有哉  
長安達官賤珠玉秋曹八口憂餽粥憂能傷人人易老

歲月遷流如轉轂別時我叔淚霑衣白頭重卧剡溪曲  
一觴寥濶三千里顧影茫茫淚相續何如歸向敬亭雲  
手種桃花偃茅屋

贈湘潭王山長兼謝其作畫障

騷人昔日沈沅湘不意天壤之間有王郎此語雖唐突  
贈君殊不妨男兒詞翰皆礪硯安能低頭逐隊無短長  
愛君有膽大如斗看君用筆如用帚狂吟潑墨勢離奇  
豎儒睨笑驚且走我獨披圖盤礴久楚山峭湘水愁風  
林湛湛九疑秋記我當年腸斷處扁舟曾向此中遊

送王懷人亦世兄弟歸漢陽

王家兄弟天下少高歌激楚長安道武昌明月洞庭雲

超然出入君懷抱  
繁花落盡秋草腓  
鸚鵡洲邊鷗鷺飛  
弱冠上書成老大  
敝裘何處尋漁磯  
莫學蕭條漢陰叟  
掉頭抱甕都忘機

贈嵇叔子孝廉

嵇子淮南客相逢  
在燕市酒酣耳熱髯盡張  
怒决黃河天上水  
爭言叔夜是前身  
誰識荆軻猶未死  
頻年獻賦又空還  
蒲帆歸去幾人間  
他日高歌攀桂樹  
思君倘在八公山

簡方吉偶同年索畫

故人能詩復能畫  
胷中丘壑籠十洲  
丹青磅礴渾漫興  
人言君是顧虎頭  
我有鶯溪絹一疋  
領取烟巒挂蓬室



五日一石十日水如何三月不下筆祇今我病愁蹉跎  
江上青山歸夢多安能突兀置我層巖絕壑間使我青  
鞵黃帽影婆娑與君酌酒爲君歌聞君宦遊氣豪壯曾  
踏龍湫與雁宕不妨潑墨爲此圖臥遊想像一惆悵

張穉恭爲余圖白雲樓時奉使祀河歌以送之

我家宛水濱結廬敬亭麓敬亭山上多白雲飛來飛去  
繞茅屋別來京洛心悠悠一官又臥白雲樓拄笏西山  
來爽氣掉頭不敢干公侯張子灑落塵中仙贈我琅琅  
金石篇曾吞廣陵濤八九噴作華山千丈蓮

張關中人  
流寓廣陵

懷余百尺樓頭臥揮毫遣興成雲烟長松古柏半不見  
迷離碧靄連蒼天馮闌獨立者誰子側耳髣髴聞清泉

如君畫手不易得白石枯枝淡無墨亂山落紙疾如風  
坐客驚看皆失色君今四牡指黃河竹西鼓吹重經過  
白馬玄圭告成事黃鸝紫燕春風多噫嘻淇園竹盡瓠  
子歌宣房築室今如何歸來圖畫獻天子與君更醉

金叵羅

淮南行送張鞠存同年

張子天官之大夫文章冰鑑當代無鳳池螭陛舍香趨  
峻岫玉樹凌天衢少年努力策高足胡爲拂袖歸江湖  
神龍矯首不得志有時戢角走平地人生富貴風中塵  
蓬轉沙飛愁殺人要津挂冠那可得不爾左遷亦抽身  
聞說淮南多桂樹枝葉連蠶暗朝暮半畝草堂桂樹邊

八公蹁躑下烟霧張子自是張季鷹秋風未動思萸羹  
畱侯晚逐赤松子彭澤豈辱陶淵明如淮之酒百斛傾  
高歌激楚金石聲東山捉鼻恐不免請君大笑淮南行

送張友鴻歸雲間

并序

施子官比部與時彥諸公數集友鴻所張譙明  
許菊溪趙錦帆顧介石吳六益沈繹堂皆詞學  
相友者也居無何或遷或出友鴻又別我去僕  
雖病其能無一言為作長歌壯之矣

張子十日不相見一日別我去如箭把酒畱君君不畱  
笑索新詩當祖餞京華旅食似君稀文采風流誰不羨  
丹青已入明光宮詞賦還傳柏梁殿雲間才數不可當

吳子沈子爭翱翔牆東招手顧子出春燈夜雨傾壺觴  
中州三子各意氣迴鞭聯轡登君堂祇言醉歌共朝夕  
誰知轉眼愁河梁燕吳秦豫各分散東西咫尺成參商  
張子別我情更苦躊躇把袂九回腸平生好客哀王孫  
鷓鴣典盡開金樽衆中許我獨知己紛紛交態聲欲吞  
長安謁客如叩闥浩然鼓枻歸江村辟疆園亭頗不惡  
柴桑松菊今猶存沂吳淞兮斫鱸膾舉薜荔兮紉芳蓀  
回首它年西北望應憐方朔老金門

苦雨篇

階前不合蛟龍走瀑布飛騰穿戶牖屢驚驟雨怒翻盆  
更看飛雹大如斗九衢萬戶皆洪濤蒼穹下墜滹沱高

愚山先生詩集卷十一  
垣傾壁塌知何限但聞野哭聲嘈嘈我棲客館作官署  
屋漏更無容膝處兒童狼藉坐泥中壘架匡牀暫箕踞  
老夫食性怕炊煤河魚疾發腹轟雷寸薪尺璧那可得  
蛙生塵釜空徘徊北嘗苦旱南苦雨防河掘盡中州土  
竹竭山平瓠子愁幽燕又見商羊舞淫淫日夜憂如何  
海陬未息長鯨波

醉後歌訓趙錦帆兼呈丁飛濤

臥疴一月生秋草久雨柴門跡如掃趙君立馬下階前  
尊酒論詩恣傾倒君詩橫絕天下知掉頭不數雕蟲兒  
同舍爲郎執余手愁中相視開鬚眉才雄氣莽天地窄  
老蛟怒吼長河坼謂余能不操吳音直是中原一詩伯

我友敬禮來西陵揮毫爛熳如雲蒸君言西署吾曹在  
三分割據爭峻嶒狂呼不顧旁人笑游俠何妨狎屠釣  
王李諸君官陸沈姓字千秋日照耀聞君作令賦甘泉  
七載囊中無一錢三年執戟顛毛白當塗誰復知其賢  
人情惜官不惜才揚雄賈誼終塵埃請君放筆且掩口  
明日同歌歸去來

歷下送畢四世副使姚榕似運使同赴官嶺南

君不見太行王屋參天起畢侯墮地稱才子又不見茗  
溪浮玉生清光姚家兄弟爭翱翔當年臥病白雲樓曾  
同畢子凌高秋手持黃紙向西粵姚生努力相綢繆兩  
賢骯髒誰能伍萬古心曾一朝許漂泊聯翩出國門齊

州忽集同心侶豪氣真看岱岳低  
懽情頓釋樊籠苦左提右挈太殷勤  
把臂酣歌海內聞璽書一旦九重下星  
輶雙指羅浮雲驪駒催人不得駐舞絮回風暗如霧羊  
城碧草秋更香梅嶺寒花冬滿樹南粵山川真壯遊翡  
翠明珠百不愁絳襦仙人天下美銅柱孤標萬載畱丈  
夫跼蹐眼前地何如嶺嶠看滄洲滄洲回首穆陵關迢  
遞風烟不可攀一杯祖爾嵒湖上流波別淚兩潺湲

今日行畱別王偉樹廉使

王偉樹按察粵西余奉使相接懽甚及北歸聞  
桂林陷度王不免次豫章值其子往省覲路阻  
慟哭而返今六年矣王遷粵東左司歸里亡恙

而其子已客死賦今日行

今日相逢是何日握手開尊重促勝回想桂林奔迫時  
欲言嗚咽聲不出桂林疇昔何殷勤忘年爾汝成膠漆  
許我新詩逼古人執卷高吟散愁疾星巖仙洞憶同遊  
惆悵懽娛忽相失灘江烽火渡豺狼城頭流血殷瀟湘  
君在圍城余間道天南地北兩茫茫令子中途驚問訊  
招魂引領斷人腸誰知玉樹轉摧折白首逢君歸故鄉  
龍鬚華席鸚鵡研綈袍嗷嗷不可忘人生聚散亦何嘗  
爲君努力傾百觴明日東西征路長

望日樓同揚登州張蓬萊看日出

日初出時一線橫表長可竟天有頃作方幅稜



角色深赤如丹砂已而燄如火外有絳帷浮動  
眩目萬狀久之赤輪涌出厥象乃圓光彩散越  
不彈指離海數尺其大如鏡其色如月矣

燭龍夜半開大荒羲和振轡嚴晨裝珊瑚十丈橫天出  
乍看弦直忽已方動如萬馬颺朱旗爛如金屋堆琉璃  
鮫綃齒蒼作帷幃髮髯隱見無端倪車輪燁燁從中躍  
赤鳥飛起彩雲落光鉉倒射龍鼉宮扶桑枝冒蓬萊閣  
客云日出光不同陰晴百變隨神工連朝霾霧今日霽  
使君天許開鴻濛數言未畢日千尺翻如素月城頭出  
天明萬里從此生安得長繩繫白日

蓬萊看海市歌

校士東牟思見海市事竣謁海廟因禱焉翌日  
臨發海市適見歌以紀之

蓬萊海市光有無  
玄冬物色誇大蘇  
我亦再拜乞海若  
願假靈異看須臾  
是時苦旱海水竭  
神龍困懶枯珊瑚  
鼙鼓忽鳴津吏呼  
天吳出舞鯨人趨  
大竹盈盈橫匹練  
小竹湛湛浮明珠  
方員斷續忽易位  
明滅低昂頃刻殊  
列屏複帳閃宮闕  
桃源茅屋成村墟  
沙門小島更奇絕  
浮圖倒影凌空虛  
有時離立爲兩人  
上者爲笠下者車  
砉然雙扉開白板  
中有奇樹何扶疎  
三山十洲一步地  
羣仙冉冉來蓬壺  
神搖目眩看不足  
惜哉風伯爲驅除  
人間快意亦如此  
浮雲長據胡爲乎  
噫嘻浮雲長據胡

為乎

大竹小竹沙門皆鳥名

東萊贈趙赤霞太守

趙嘗守潤州為處士顧與治完通賦士類多之

使君五馬臨江涘  
筆剪東吳半江水  
使君拂衣臥海濱  
手闢荒園成栗里  
七尺骯髒千夫雄  
坐上客滿尊不空  
慷慨平生尚遊俠  
窮愁坎壈成老翁  
園中嘉樹何歲莖  
海燕徘徊不忍歸  
酒間袖出故人札  
數行未畢淚霑衣  
作詩贈君兼語顧  
離愁如緒如烟雾  
颶風刮海海水飛  
何時却寄珊瑚樹

東海道中作

行人策馬馬行緩  
馬上風吹衣帶斷  
枯桑倒折作飛蓬  
驚砂走石摩蒼穹  
海濤怒嘯蛟人舞  
飛廉作祟天不雨

可憐二麥急甘霖農夫淚濕田間土

禹廟歌

窅東禹廟臨汶河凌雲結構何嵯峨棟宇有時橫荇蔞  
旌旗白日驅龍鼉五月陰風冷毛髮參天古木交婆娑  
繁華細葉宿鸞鳳神依鬼護無斧柯後亭更有千年柏  
枝是琅玕幹爲石化作蒼龍上赤霄頭角鬚髯如刻畫  
吾聞神龍見尾不見首此物還能靈異否怪底頽垣苔  
蘚中夜來風雨聞龍吼

送高阮懷歸里兼訊大美季升杓司幼龍諸子

明湖六月荷花香宛溪故人歸故鄉折柳餞君各未醉  
憑闌日暮立相望與君少長生同里共許詞塲執牛耳

彩毫灼灼耀春葩雙瞳湛湛懸秋水千里綢繆更契濶  
論交夜夜燈花落欲歌欲泣君同聲相知不復然疑作  
子今歸去石城秋明月秦淮青雀舟桂華窈窕芙蓉發  
高歌一曲凌滄洲白門歲豐多釀酒青錢三百沽一斗  
旋膾鱸魚剝新栗此時還憶勞人否同心更有蔡與梅  
窮愁襟抱向誰開歸去相看應大笑新詩一句一傾杯

送戴帖瞻入都

十月餞君歸五月喜君至尊酒復將於顛倒不能寐憶  
昔奉使雲門遊值君按節過青州燈前長句爲君賦狂  
歌大叫風颼颼臨岐下馬握余手停杯佇立徘徊久自  
言辛苦難具陳不信但看余白首轉眼東西羽翼分京

洛淄塵倦趨走何期爾我相後先同官仍是同門友憐  
余直道多嶽寄開心苦口真吾師加餐相勸廢篇什此  
意旁人那得知勞勞余髮亦垂白看爾吐氣開鬚眉璽  
書徵拜還青瑣岱雲濟水隨旌旗送君忽憶心所懽故  
人同調滿長安欲寄雙魚媿疎嬾憑君傳語青雲端

天淵 趵突泉送嚴子餐都諫北還

時主考山東

傳聞此泉來王屋伏流倒涌歷山麓寒光噴雪復飛雲  
大聲奔雷小碎玉故人黃門天上來崔嵬百尺龍門開  
憑陵日觀照滄海咄嗟坐嘯生風雷臨流復有千尋閣  
白雪聲名赫如昨黃門揮翰似青蓮更擬新篇致康樂  
爲君開尊握君手素心海內真良友年將強仕相伯仲

忍使離居成皓首扁舟昨日明湖遊  
驪歌今日生離憂君不見濟南七十二  
泉皆在眼那堪溝水東西流

陸大夫廬母墓雙鶴來巢生二雛有鶴在焉或曰  
孝所感也繪以傳之

荒丘鬱鬱寒泉深松楸手植成青林  
中有慈烏口流血哀啼繞樹傷人心  
老鶴翱翔下寥廓將雛雙鶴復孤鶴  
鶴鶴徘徊未忍飛啁啾墓側悲離索  
於乎陸大夫鶴兮鶴兮今在無至誠  
感物理不殊吾母佳城求未得淺葬  
荒丘天一隅爲君短歌淚霑襦

漢柏行

泰安州嶽廟

根不必踞絕壁枝不必摩蒼天  
婆娑嶽廟眼前樹輪囷

屈曲幾千年龍文蛇腹復猿臂鐵幹蟠空少根蒂代示  
玉女旌旗翻百靈半夜風雨會韋偃畢宏畫不得神物  
旁觀空歎息春暮天寒鶴鶴悲陰霞繞樹沈雲黑崔嵬  
祠廟已頻災唐槐灰燼秦松摧武皇六龍逝不回嗟爾  
古柏胡爲乎在哉令我哀歌矯首心徘徊

靈巖行

在長清縣

靈巖開鑿巨靈苦萬仞丹梯作環堵已畱天穴爛明星

更遣甘泉瀉石乳僧廊側入洞門深鐵崖涌出袈裟古

鐵片如衣名鐵袈裟

腹空禿樹飽風霜斗大蒼藤暗烟雨丹臺飛

嵌層巖巔削成石屋居無椽杖藜直上八千仞手撫白

鶴凌紫烟朗公卓錫呼不應麗眉石丈拱我前山有石如人立



名顯俯視人間悲浩劫誰知梵宇亦桑田般舟寶殿金  
 公石銀擢世尊塵埃龍象哀唐禪宋碣紛斷折存者欹側埋  
 荒苔靈蹟摩挲恨未了倦遊一宿良草草誰能高枕臥  
 空山飽飯青精顏色好

讌歌行

陸使君席上作

洞房曲室鎖葳蕤華燈綺席紛光輝朱顏窈窕操玉徽  
 笙竽箏笛逸響飛輕風入戶颺羅幃月何皎皎明星稀  
 樂極含悲知者誰更闌緩帶客忘歸儂歌薄命心徘徊  
 願君懽樂憐春暉

施愚山先生學餘詩集卷之十六終

施愚山先生學餘詩集卷之十七

七言古

烟火行

濟南亂後年初豐上元鼓吹如江東歌兒遊女不知數  
千家萬家春燈紅爆竹聲中烟火出忽如談發阿房宮  
撲地流光走玉兔垂天列炬成燭龍橫看爛熳三十樹  
風起高城滿烟霧明星落月飛縱橫急電驚雷莽回互  
層層怪幻魚龍戲蜃樓海市須臾至蓮花火裏劇分明  
中有天下太平字是時憲府高崔嵬建牙列戟傾金杯  
烹羔炮鼈惜良夜黃金灰燼同塵埃酒酣漏永回鞭去  
人壓看場呼不開我聞此地舊王府夜夜鰲山照歌舞

綺羅臺榭總丘墟  
園林寂寞今無主  
樂復樂兮延千秋  
醉歌莫問王與侯  
何日中原罷烽火  
華燈如晝長遨遊

伏生祠堂行

祠在鄒平城北十八里  
漢文帝遣鼂錯求尚書  
時伏生年九十餘  
令幼女口授事  
不見漢史今

圖之壁

祖龍烈燄燔天地  
斷簡殘篇盡捐棄  
諸儒白骨成山丘  
倉頡史籀夜垂淚  
上蔡李斯甘罪首  
忍使萬古斯文墜  
天遺一老在人間  
火然不到胸中字  
須臾赤帝重瞳來  
阿房一炬咸陽灰  
表章經學漢文出  
詔求耆舊過徂徠  
是時先生耄且病  
以口代手鴻濛開  
二十九篇尚書備

配享立廟何崔嵬我來再拜心徬徨側身望古涕霑裳  
避秦博士窮獨叟姚虞三代今未亡龐眉碧眼具冕服  
丹青滿壁生輝光有女被繡珥明璫受書掌故拱其旁  
豐碑古篆不可詳諸生俎豆歌樂章靈旗髣髴來翱翔

送張泰安越九

時坐事逮繫  
謫戍復放還

山城積雪冰不開飛來黃鵠久徘徊見君欲哭復大笑  
舉酒一飲三百杯疇昔蹉跎事奔迫窮邊極漠甘遷謫

聖恩溫詔垂九天獨許雲間作歸客泰山極目連滄  
海海鷗釣客遙相待何必功成問赤松流光一擲紅顏  
改多君意氣凌浮雲罷官慷慨尚論文庾鮑才名伯仲  
少原嘗好客天下聞我醉爲君歌一曲歲暮愁多腸斷

續好去五湖三泖間手撫山堂舊松菊

繡江行 章丘縣東

羲仲驅車錯躔度玄冥奪取青陽路三月重凝繡水冰  
烈風倒拔陽丘樹天河滄海同翻覆雪染桃花成白玉  
茂陵消渴鸚鵡寒望遠傷春亂心曲

女郎山

女郎山畔日冥冥女郎墓上草青青長白雲連繡江水

長白山名登女郎望其雲氣縈抱如帶長佩陸離飄未已凭闌舉酒舞且

歌深洞幽房山鬼多黃土紅顏自今古浙浙陰風吹女

羅

父書樓歌為俞去文作

吾鄉前輩多博雅南金先生稱學者有閣三重書五車  
高卧樓頭不肯下亂離萬事成東流銅駝金谷皆荒丘  
青箱好在蓼莪痛歸然遺澤存高樓樓前楓樹林樓下  
寒潭滾白鶴爲君舞玄猿爲君吟山鬼窈窕尚含笑伯  
牙寂寞無知音腹笥便便君自可次第書籤兼藥裹賣  
文剩有杖頭錢雞黍能留佳客坐藏書十九委埃塵百  
家七畧誰問津長恨古人不見我空山月黑傷千春

寄蔣虎臣金壇

先是京口之變士大夫家  
居者皆坐法惟虎臣獲免

昔君校書石渠閣鄉心日夜思丘壑今君乞假卧江村  
三年不向春明門春明吏隱差不辱索米東方足餽粥  
何事高吟詩百篇便向陰崖結茅屋瀟灑從來懷抱疎

黃金不惜搜奇書道逢窮交下馬立解袍脫贈無躊躇  
尺書遠自金沙至開函墮我數行淚不訝虞翻疎節多  
殷勤却索新詩寄江干昨日多鼓鞞白骨黃塵咫尺迷  
茅屋高齋亡恙否鯨波鼉浪風淒淒古人挂冠入山好  
今日入山難自保愁思如結未敢言何處相期拾瑤草

姑山行送郭瑞屏

留對客坐聽書

十年不向姑山去別恨羈愁亂如霧籜冠草屨故人來  
相看猶似山中住衙齋蕭瑟客無羶片石荒臺倚獨樹  
主人鹿鹿竟何爲論心不得同朝暮記昔姑山夜坐時  
石泉手汲炊松枝傾盤芋栗雜雞黍酒盡牀頭醉不辭  
輓軻君今垂五十白髮星星時抱膝縱飲不多思醉眠

怕聽城頭吹感栗君爲窮愁來海濱到來輾轉愁官貧  
出山入山貧自好路遠天寒慙故人

### 荒雞行

長夜漫漫纔二更濟南城裏雞齊鳴勞人鞅掌未眠卧  
起視櫬槍淚雙墮昔人聞雞夜起舞雄心不厭亂離苦  
可憐四海今橫戈荒雞荒雞奈爾何

### 觀嚴水子畫人物引

嚴水子陸山子  
並陳章侯高弟

山陰高士陳章侯開闢畫苑無虎頭左手把杯右執筆  
十指酒氣生十洲尤工人物作殊態雕鏤瑣屑窮纖芥  
詭形奇狀人盡驚素壁中宵走光怪興闌箕踞時捫蝨  
尺幅千金不可得晚傳二子早升堂吮墨含毫同侍側



是山先生詩集 卷十七  
山子過從憶鑑湖淋漓染翰多歡娛五年以後水子至  
筆勢不與章侯殊冥搜慘澹追清妙歆側江臯連海嶠  
芙蓉薜荔雜連蜷帝子嬋媛山鬼笑名高薄俗復何益  
能事傷心爭促迫乞畫如山乏酒錢仰視高天岬赤幘  
春陰積雪風泠泠滿眼干戈愁客星冰開鼓柁且歸去  
萬壑千巖無數青

聞舟謠

漕渠久渴水不流漕艘銜尾無時休日過一閘纔五里  
千里歸心愁白頭聞盡灘高更偃蹇中夜呼船重撥淺  
貓兒窩口居人稀魚頭集上漁船歸岬濶河深風又惡  
坐看他帆拂面飛

林茂之自作生壙曰繭窩索詩紀之

八十一叟顏尚酡幅巾筇杖衣薜蘿肩輿強來一相見  
數杯未盡能高歌自言築室乳山住陰林窅谷多烟霧  
新營生壙大如繭逝卽長眠不封樹蹕絕才名年少時  
掉頭不許時人詩祇今垂死猶眼白自作高人萬古宅  
君不見富貴磨滅皆輕塵豐碑石馬空嶙峋北邙悲風  
愁殺人

萬竹園醉歌贈鄧元昭同年

城隅別墅結茅屋千畝陰森盡修竹同心握手此開尊  
竹色客衣相與綠五年南北成別離昨歲干戈亂心曲  
鱖魚蘆筍雜蓴羹百觴勸我苦不足昔時侍從官長安

對客揮毫人共看意氣風流天下重五侯七貴爭交歡  
一朝特簡擁千騎未許淹留閱叢桂歲星忽厭隱金門  
便擬牆東長避世羨君躡屐臨東山清歌白苧長歡顏  
羨君藏書餘萬卷鳥篆龍文時在眼丈夫功成須拂衣  
扁舟新買繫漁磯飄搖萬事君休問惟有浮雲無是非

程穆倩印藪歌

黃山山人真好奇性癖膏盲不可治雕鏤文字壽琬琰  
蟲魚錯落蟠蛟螭苦心愛者有數子摩挲隻字等禹碑  
亦如昌黎推作者險奧不廢樊宗師九月邗關木葉下  
山人邂逅同僧舍自言好古非雕蟲篆籀周秦足方駕  
詰曲迷離多不辨相逢十人九人詫可憐古籍秦火焚

存者如縷金石文岫嶼鐘鼎盡奇字恍惚天矯凌浮雲  
今人能手類刻木仰唇俯足徒紛紛豈若山人眼空六  
書與八分驚魂駭目天下聞噫嘻山人好古不能長得  
食何如歸老黃山三十六峰之南北赤文綠字藏其間  
風雨千年無剝蝕

水繪庵放生池歌贈冒辟疆

水繪庵前一池水花發芙蕖香十里冒家三世皆放生  
水族波臣不可紀日霽遊鱗鏡裏來有時蜃氣雲不開  
出沼穹龜峙丘垤揚鬣赤鯉生風雷四十年來成巨壑  
絲竹朝朝喧水閣賦詩不讓鄴園遊臨流遠勝濠梁樂  
滄桑萬事難具陳挺父橫網連強鄰雲根窟穴改不得

枯魚入肆空悲辛  
主人意氣無所惜  
長歎撫膺嗟世澤  
虬龍一朝不自保  
江漢飛騰限咫尺  
眼前兵甲高如山  
放生殺生皆等閒  
昆明太液復何有  
爲爾作歌長留天  
地間

僧舍題半山畫

常愛杜甫闔山句  
應結茅齋看青壁  
半山縱筆爲此圖  
突見峻嶒倚天石  
寒江鼓柁倦遊人  
秋寺鳴鐘獨眠客  
與君痛飲且還歸  
四顧茫茫堪眼白

廣陵醉後贈陳曼仙同年

陳舊官蜀  
自免歸

拂衣不採商山芝  
草堂不羨浣花溪  
暖老爭看人似玉  
把詩自勸醉如泥  
開軒種竹江雲入  
素麩酌酒嘉賓集

洞簫鐵笛相和鳴，玉柱檀槽雜歌泣。芙蓉含霧暗氤氳，  
婀娜吳姬嬌出羣。輕謳緩唱四坐靜，不動朱唇聲過雲。  
十年契濶今良會，宦遊忽叙巴西事。羌村蠻洞畏豺狼，  
哀角腥風動天地。萬里生還信偶然，銜杯且稱平生意。  
主人瀟灑良得計，有客風塵早憔悴。柴桑夙昔無宦情，  
東山偶起憐蒼生。昔何勇健今何老，歸臥雙溪弄月明。  
擊鼓行戲贈方山人

山人不儒亦不賈，碧樹黃花繞庭戶。客到開筵雜儔侶，  
半醉掀髯爲擊鼓。衆賓歌吹間搏拊，疾徐應節不差黍。  
大聲噉噉鳴砧杵，細聲嘈嘈亂人語。音繁調促苦齟齬，  
激厲崩騰怒如虎。地維缺陷天難補，人生磊塊向誰吐。

不如搥鼓盡清醕半作英雄半兒女尊殘颯颯寒夜雨  
因君側耳愁千古禰衡禰衡在何許吾欲呼汝出黃土

竹亭短歌贈王貽上

丈夫名成何必萬鍾粟但得繞屋扶疎萬竿竹三月不  
肉亦意足不爾伐竹結爲廬差抵瀟湘遠塵俗使君佐  
郡廣陵城高齋遠聽寒濤聲却構竹亭如箬笠琅玕四  
壁青霞生亭中斗酒書千卷對此髣髴凌絕巘南軒老  
槐遮白日東籬黃菊照蒼蘼別君此去惜離羣幾度論  
詩到夜分眼前萬事難開眼還須種竹高拂雲君不見  
君家子猷儻舍亦爾爾何可一日無此君

龍衣船

運帆蔽日江水黑鷁首龍文爛五色舉檣振舵重如山  
不遇大風行不得曳舟官給夫有餘得錢縱脫重捉夫  
裸體天寒被鞭撻荒村夜索聞哀呼猪雞祭賽舟人樂  
白奪樵薪不爲虐有時故遣觸他船反眼嗔人橫榜縛  
尊嚴祇爲載龍衣簫鼓船頭黃繡旗高架一箱衣什襲  
客貨淡藏無是非巨艦年來頻坐兵沿塗夫卒多吞聲  
船大行遲河欲凍嚴秋督促傷人情官差到處聞茶毒  
怪此篙工作威福造船苦耗水衡錢取材伐盡江南木  
側聞聖主仁如天再浣還衣天下傳筐篚置郵亦良  
速何似重牽萬斛船

華表行



華表嵯峨冠青嶂雙擎巧刻盤螭樣璽書賜葬傍陵園  
連牛鞭石來山上千金作使萬夫役淡埋直作天生石  
勢移衛霍子孫貧斥賣須臾都不惜地坼山傾鬼哭聞  
前山華表又新墳請君易石將木柱縱朽猶爲墳上土

祀蠶娘

華燈白粥陳椒漿田家女兒祀蠶娘願刺繡裙與娘着  
使我紅蠶堆滿箔他家織縑裁羅襦妾家賣絲充官租  
餘作郎衣及兒襖家貧租重還有無蠶時桑遠行多露  
好傍門前種桑樹

打虎兒

禹州朱氏子

誰言虎尾不可履虎口小兒還不死兒隨隴畔翁耕田

斑斕躍出黃蒿裏攫翁踞地兒不啼怒持竹策鞭虎起  
咆哮乍息重含情收牙捲舌拋人行父子倉皇驅犢返  
猶聞虎嘯腥風生刺史嗟吁召兒問兒年十一朱其姓  
簪花纏彩萬人傳樸穉能馴猛獸性當時視虎如視牛  
天地震動山靈愁死生計較勇成怯古來赴義無回頭

天逸閣雪後醉歌

主人梅幼龍  
耦長携酒

一冬無雪春雪好名園飛閣開晴昊主人逸興有籍咸  
把酒呼朋歡絕倒沙霽初聞白鳥鳴雪殘半露青峰小  
麻姑倬妁墮窗間叠嶂參差浮樹杪細數梅花多昨日  
坐看新瀑通寒沼觥籌歷亂興偏豪石檻苔痕不須掃  
此閣凌嶒高百尺先輩聯翩著靈蹟

禹金朗三兩  
先輩讀書處蝌蚪

淡藏禹穴書賦詩日集梁園客二十年來玉樹摧竹榭  
茅屋蔓蘿薜抽毫授簡待吾曹肯使中原少詞伯前年  
鐵騎城頭嘶出門一步迷東西芳春暇日此良宴何辭  
斗酒聽黃鸝我思置閣臨雙溪種梅高下溪雲齊花前  
歲歲同春酌醉醒遞換無端倪

爲李書卿感遇 有叙

李氏世以文辭稱生又穎特弱冠爲諸生高等  
然其爲文與時人異卒坐廢斥予感憤作歌爲

生進酒

日月明明不照地蒺藜滿眼困騏驥欲叩天門扃不開  
爲君怫鬱墮清淚老蛟生子真超羣少年勝氣驅浮雲

躡嚙羞作腐生語一寸泥蟠無處所壯夫魁壘常骨立  
俗眼揶揄百憂集唾壺擊碎歌不揚風雨夜闌鬼神泣

青桂引贈丁飛濤弟素涵

有青桂堂集時  
飛濤謫關外

青桂團團臨綠水香風散入江城裏東南孔雀爲徘徊  
下有寒猿啼不已山人奮袖歌且謠西湖澹澹吳山高  
艷曲新詞半樂府瓌奇詭譎疑離騷有時嗚咽抱幽怨  
弱柳如絲絮如霰歌成流水雲不飛曲鼓湘靈人不見  
君家伯氏吾弟兄唱和西曹金石聲黃雲沙磧一分手  
朔風越鳥長哀鳴攀君青桂憂思緩念君連枝腸欲斷  
日月不居關塞長撫膺淚落錢塘滿

劍雨西湖送春歌

陰雨冥冥朝復暮豐隆屏翳收春去美人魂斷不可招  
夜啼杜宇西陵樹故園滿檻洛陽花歲歲花開不在家  
江山格鬪九州窄行止蹉跎雙鬢華含情欲作留春曲  
燭龍昂首不得伏醉向流光喚奈何門前春水爲誰多

采蓴篇

西湖三月蓴始生含花卷葉浮綠莖質柔膚滑不留手  
白汁盈盈成水晶浸之經宿逾肥美旋摘生新類蘭芷  
春山雨漲綠波滾欲浮不浮難出水故人招我放生池  
畫船紅袖吹參差神魚撥刺動雷雨馮夷出沒擎旌旗  
酒闌却向湖亭泊緩帶登樓氣盤礴急呼舟子擷蓴絲  
雪鱸金盤佐觴酌凝脂膩澤難禁煮玉筍錦葵誰似汝

滑翻碧盃匹冰漿清絕香羹奴酪乳嚼腐餐肥良可憎  
五侯七貴知未曾怪來此物繫歸思千載常懷張季鷹

西湖看月歌

同會稽  
羅弘載

客舍階前湖水綠棹舟更向湖中宿兩岼蒼烟皎月來  
萬頃清光照幽獨渡口微聞漱玉聲樓頭無復彈箏曲  
片雲蜿蜒過南山望見仙人騎白鹿夜深風起何泠泠  
遠山猶白近山青浮圖層級真可數波心寒玉吐孤亭  
援琴欲鼓水仙操鍾期既遠誰爲聽狂呼不醒童僕睡  
惜哉酒盡雙玉餅吁嗟明月古來有須照西湖杯在手  
可憐客久春芳歇陰雨三旬初見月荷葉田田漸作華  
今宵月下已思家漏殘高枕日將出會有吳姬蚤浣紗

贈關西杜蒼舒兼懷李岷瞻孫豹人諸子

西泠橋畔日初低  
西京上客過招提  
眼中華嶽森突兀  
湖干畫舫從羈棲  
十年讀書不射策  
負氣論才岍赤幘  
仲宣時賦從軍行  
少陵老作諸侯客  
滄海長江正羽旗  
廣陵遊俠重相思  
好買吳姬住江側  
醉倚淮南桂樹枝

李孫皆陝人  
流寓廣陵

寄周處州宿來舊同官  
比部

故人別我六年餘  
聞道故人青鬢疎  
層山疊嶂幾千里  
殷勤却寄雙鯉魚  
天陰雨久重雲黑  
開緘狂喜復歎息  
新詩險絕語驚人  
苦調悲涼淚沾臆  
括蒼巖洞多烟霞  
九盤石門仙如麻  
謝公遊處莓苔厚  
春風古樹猶開

兵荒作吏真可憫鞭撻催科心不忍滿眼青山未散愁  
平生意氣一朝盡甌江日夜流滔滔相思心曲翻洪濤  
欲問論詩與酣發斷腸還憶白雲曹

送羅弘載

聞君有別業遠在稽山隅白雲南接葛洪井綠水還臨  
康樂湖湖邊山下讀書好雜花奇樹連芳草殷勤爲我  
渡錢塘西冷尊酒同傾倒與子契濶已八春囊中詩句  
轉清新少年策名應努力莫羨桃源洞裏人  
西湖惜別吟荅蕭山毛大可  
西陵才子有毛萇浩蕩風流不可當繁音錯彩百端集  
短曲長歌悲斷腸謂我東來自滄海湖上輕舟日相待



手裂吳綾白如雪新詩冪兀驚真宰蓬萊之閣瑯琊臺  
海水壁立魚龍哀嗟爾濡翰一何壯使我回首久徘徊  
我昔聞聲未聯袂相隔山巔與水裔擁楫臨風作越吟  
纏緜期我攀叢桂別來叢桂難重攀天涯荏苒凋朱顏  
謝傅東山不得臥歲星索米愁人間平生聞道苦不早  
窮愁著書亦云好誰能漂轉隨車塵使我局促傷懷抱  
予將去爲君吟此曲歷亂無古今若問相思在何處歲  
歲西湖春水淡

哭同年張子寅

海風動地白日昏折我玉樹垂崑崙魁梧磊落猶在眼  
滿堂慟哭皆聲吞鬼伯詎敢相促迫豐隆爲御雲車奔

一生胸臆向誰吐裂背慷慨號天門嗚呼天門路阻絕  
江漢溟溟墮孤月

二

嗟爾生年二十六氣吞萬卷心不足開樽結客少年場  
走馬長安還擊筑雕龍世業公車早詞翰橫流瀉飛瀑  
相看努力馳中原豈料着鞭成轉燭嗚呼爾魂不可招  
青楓暮雨空蕭條

三

出門出門何所營病中鼓柂江上行季布平生重然諾  
魯連排難輕死生男兒七尺自有命抗顏欲與雷霆爭  
風流意氣一朝盡眼前豪俊誰縱橫嗚呼往事不可諫



施愚山先生學餘詩集卷之十八

七言古

自皖江過彭蠡連乘迅風時予赴官湖西

風獵獵水茫茫青山兩岬如驅羊大孤小孤爭鵝首輕  
帆坐嘯陵馬當遠看五老之峰冒雲霧白頭如雪鬚髯  
蒼我欲往從之川路一何長不見青蓮與白傅至今猶  
有讀書堂官限催人何太急風檣破浪橫飛揚誰知予  
夢在廬嶽暮雲回首勞相望

淦川夜讀王邁人方伯三仕草有寄

王在巴陵有嘉陵水聲歌

至是官豫章入覲

王子稱詩無古今哀絲雜管傷人心醉歌斫地橫霑襟

丹楓叢篠金川曲把爾瑤華向銀燭朔風微霰響枯木  
巴南萬里豺虎滿曼聲促節隨長短一曲嘉陵腸寸斷  
羊城別後聚洪都立談未盡各天隅誰能對此不踟躕  
李太虛宗伯自章門過訪蕭江值余按部未歸停

舟浹旬聊書代柬

蕭江江頭楓葉赤雨雪行人斷行跡元禮仙舟何處來  
棲遲久作忘歸客水落章門上水難多君直到使君灘  
羽檄宵馳官吏急金尊咫尺阻清歡短札新詩勝瓊玖  
珍重摩娑不離手更携仙酒及良方使我紅顏無皓首  
感君意惜君留君家羣玉有高樓彈箏鼓瑟兼篴篥天  
寒夜永宜歌醉惱殺孤眠一釣舟

彈子嶺歌

新喻縣北  
距城百里

渝川捕民如捕賊鳥驚獸駭各南北有時怒臂聚羣力  
遣騎飛符呼不得仰天峰外蒙山高中有仄徑緣秋毫  
夾路荆榛虎豹嗥負嶠走險容爾曹巉巖更有彈子嶺  
居人半入青天影隔山十里越鄰境百年風俗成頑梗  
吾聞此鄉山水奇重巖窳豁多幽姿如何輸稅獨無期  
忍使催科困有司及此不戢後難治破巢殲滅中心悲  
爾不見黃木江前年殺人如薙草區區彈子何足道

江新喻縣地先是  
二年以民頑用兵

北風行懷方爾止

北風夜發猛如虎飛沙散作空中雨生米潭邊老蛟怒

繫艇消魂望南浦浦前客舍有方生倦遊詞賦同馬卿  
秦岱恒嵩歸杖屨諸侯豪士爭逢迎昔時見君敬亭草  
我方年少君未老流光一別十餘春縷縷贈我長篇好  
醉罷秦淮舊酒樓君言逐我匡廬遊蓬飛去住各無定  
山人又上潯陽舟潯陽帆向章門落相逢正傍滕王閣  
一尊未盡又開船浦雲山雨悲離索方生老健多苦心  
清歌慘澹矜知音出門道路盡筆札直寫胸懷無古今  
此時陳蕃亦多有周侯宋侯皆爾友  
時周伯衡宋其武並官南州洪  
都穀賤官俸廉扁舟百石還能否多君好古存典型白  
眼却向東湖青荒郊苦問雲卿圃廢渚冥搜孺子亭六  
月王師移鐵騎窮秋絡繹將軍至滿眼江山牧馬場潦

倒儒冠置何地，祇今行路天下難。  
莫訝乘車無肺肝，鳥鵲西飛雁飛北。  
江楓渚荻皆凋殘，秣陵草堂閔復閔。  
殘樽舊帙開心顏，眼前萬事還山好。  
歸去青谿明月灣。

百丈行

十八灘頭石齒齒，百丈青繩可憐子。  
赤脚短衣半在腰，飯顆寒吞掬江水。  
北來鐵騎盡乘船，灘峻船從石窟穿。  
雞豬牛酒不論數，連檣動索千夫牽。  
縣官懼罪急如火，預點民夫向江坐。  
拘留古廟等羈囚，說來不來饑殺我。  
沿江沙石多崩陷，引臂如猿爭叫嘯。  
秋冬水溢春漲湍，渚穴蛟龍舐虎豹。  
伐鼓鳴鏡畫艦飛，陽侯起立江娥笑。  
不辭辛苦爲君行，艇促鞭驅半死生。  
君看死者仆江側。



火伴何人敢哭聲自從伏波下南粵蠻江多少人流血  
百丈不斷腸斷絕流水無情亦嗚咽

折梅舟中有歎

野梅無賴惱江邊爛熳春光發歲前折來心賞不能語  
靜覺疎香散洲渚舊時索米傍燕臺苦寒只見雪如梅  
豪貴萬錢買尺樹凍蔬蕭條多不開昨歲雙溪歸草閣  
梅枯二月花纔着雨中憔悴苦相憐倚檻呼朋共觴酌  
轉眼他鄉憶故人分飛零落太傷神孤舟卧抱花枝醉  
載盡江南無限春

陳士業徵君讀書樓歌

時兵艘皆泊章門

十日章江門不上滕王閣可憐帶甲滿江干烟雨蒼涼

聞鼓角憑虛高卧有徵君一日不見如饑渴入門引手  
便登樓坐對西山控蓼洲夕陽帆影簷前落曉霽山光  
榻上浮君家闕閣連雲起銅駝泣後歸流水杜門小隱  
種松筠帶索行吟佩蘭芷諸侯結駟多式廬先生獨坐  
擁奇書蠹簡殘篇爭二酉哀歌痛哭懷三閭聞君倜儻  
多籌策昔領專城今草澤平生壯志託空言中歲蹉跎  
頭盡白滕王高閣雖嶒嶸童子詩傳始得名爭似徵君  
有草閣千秋萬歲重含情

南浦逢王願五同年

王自翰林  
出督糧儲

人生聚散如沙鷗江天海國各沉浮十載別君一相見  
茫茫歲月隨東流執手開軒坐榻上旋呼尊酌交勸酬

梅花老春白鹿脯爲君沉醉傾庶羞酒闌屈指同門友  
惟我兩人同宦遊疇昔聯鑣君特達天祿石渠資討蒐  
隔巷招尋余最數素心晨夕相淹留踏花緩帶歌燕市  
繫馬銜杯傍御溝此後驅馳踰粵嶺君亦謝病歸林丘  
天憐索處易憔悴蓬飄萍聚來南州令子成行孫在膝  
那得相看不白頭西江厥賦稱瘠土亂來荆棘盈田疇  
力盡犁鋤又水旱荒村野哭聲啾啾漕折爭言便民力  
追呼榜繫如俘囚糶糧三石當一石倒廩傾倉還賣牛  
玉粒徵收又難運兵船絡繹無餘舟催科箕歛敢言拙  
遺黎溝壑何人收積薪厝火且安坐吏惟執法無良謀  
君昔善奕名國手手談清讌今能不丈夫愍時心慘澹

中宵側足行夷猶回首故園憶松桂可憐山谷橫戈矛  
墟柳園桃忽爛熳黃鸝紫燕歡匹儔興來張口不能塞  
爲君高歌南浦樓

歸舟遣興

蕭水章門三日路扁舟一歲頻來去去望南風來望北  
好風半日終難遇蹉跎萬事總逡巡且就江潭烹紫鱗  
忽看兩岼花皆落細雨平蕪愁殺人

灌瓦研歌

李梅公司馬藏研五瓣如梅花質如黃玉間作  
紺碧色纍纍墳起云是灌嬰廟瓦請予爲詩

范土千年化圭璧琢作梅花伴騷客膩質全堆金粟黃

斑痕細奪琅玕碧  
主人置酒開山房  
叢花錦石兼幽篁  
摩娑書畫亦無數  
出此四坐生清光  
傳聞廟瓦今破碎  
銘字剝殘誰睹記  
扣之如磬拭如烟  
龍尾端溪盡堪棄  
雩陽古廟野火焚  
穹碑斷礎皆寒雲  
神物可憐光怪在  
令人轉說灌將軍

臨江仲夏有懷荔枝之美因寄吳福州聖水劉都

使潤宗

臨江長夏真可憐  
熱如釜甑宵無眠  
冰漿雪藕那可得  
沉瓜浮李都茫然  
忽憶往年使粵嶺  
荔枝夾道垂江邊  
絳襦仙人日滿坐  
十年消渴爲之捐  
又向端江尋石硯  
朋舊沈朱歡見面

沈止岳朱子暇

沉水香中進羽觴  
荔枝園裏

開高宴傾盤旋摘連百顆驅童上樹將千遍就中黑葉  
號無雙喚取水團良足羨黑葉水團俱佳種客云此種猶未奇

聞為第一蜀次之福郡人家千萬樹驛亭官舍子纍纍

陳紫江綠尤奇絕惜哉遙望空嗟咨故人今作福州守

為政風流無不有魁梧劉子氣如雲相過斗酒常殷勤

此時五月荔枝熟日啖三百還未足圖傳白傅絕形容

譜較君謨多品目白香山有荔枝圖序蔡君謨作荔枝譜二君倚樹定狂

呼曾否思予亂心曲寄聲為語陳使君陳少叅階六遺民更

訪蘆中人莆田余賡之先生自稱蘆中人平生知己各天末孤城索處

徒酸辛東南烽火猶未息出門道路多荆榛安得憑虛

生羽翼一日飛騰周八垠

長江先生詩集 卷一  
洪都吟寄熊雪堂少宰

洪都江水老蛟窟蒼虬赤龍畫出沒  
蓼洲先生興超忽獨臥洲頭抱明月  
千旌屢下尚高枕注目西山森突兀  
畫船在檻書滿牀吟罷丹鉛字如髮  
古人旣死存者言精魂往往遭剔掘  
憐余癖好贈奇編許我身中有仙骨  
江干繫艇數相尋高論微言不能歇  
吏部文章信起衰山公啟事多補闕  
扶桑搖落滄溟濶精衛銜山水石竭  
誰信臨流怯浩歌孤舟五月涼風發

莆田余希之注李長吉詩作歌寄之

嶧陽琴材野火燒海波晦冥鳥悲號  
夜半騷魂塚中起玉樓使者寒不死  
石鼓初鳴桐木魚冰蠶重濯錦江水

李生余生皆畸人知音識曲傷千春伯也能倡仲能和

伯氏賡之吏部詩近萬首

眼前樂事真絕倫吾愛昌黎有奇癖鷓鴣

垂翅能先識其時岫輿拘金鐵一寸瑤草不肯食世人  
皮相韓無詩天孫怒罷機中絲請君並輯爲韓李光怪  
應須纏十指

五嶽真形圖歌

丹砂所搨

五嶽足跡誰能徧五嶽真形誰所見岱宗山下岳祠東  
鑄瑤刻玉窮鬼工紫泥搨就珊瑚色高堂日射扶桑紅  
璇宮銀闕森髣髴羣仙玉女紛相從禹鼎沉淪多不若  
山林佩此百神却丹竈思尋勾漏砂靈巖定采天台藥  
陟岳尋仙思漢武茂陵寂寞一杯土倘許吾曹有仙骨



君現真形與君語

終風篇

摧山割地千樹折三日震蕩吼金鐵捲起荒村屋上茅  
橫翻駭浪江頭雪比歲兵荒萬事非酸風鬼嘯重霑衣  
夏苗乾死秋穀稀一時盡化枯蓬飛

中秋夜愚樓觴月同赤方伯調阮懷耦長諸子

山寺歸來赤日落江心明月銜官閣清秋逸興共婆娑  
畫棟朱闌倚寥廓屏風側疊環遠山素練平鋪臨巨壑  
閣前古木三十圍雲來天矯蒼龍飛菁葱桂萼合金粟  
窈窕蓮花墜粉衣中宵羅袂如霜雪銀河倒瀉天地白  
烏鵲南飛見羽毛觥籌交錯忘主客兵荒萬事苦傷神

良夜初傾竹葉春庾樓滕閣皆偶爾步兵中散伊何人  
去年此夕客蕪關今年此夕吟蕭灘漂泊浮生爲一葉  
同心合坐千秋難千秋難在今夕羣彥聚東南高吟響  
金石作歌贈明月月亦解愛情智愚計較何區區鯤鵬  
斥鷃皆拘墟老夫今夕百愁無鑄金作樓良不愚君不  
見向平遊興在五嶽那能偃蹇跼踏一寸地使我眼前  
一日無江湖

送耦長歸宣城

期君別在重陽後纔過中秋卽分手暮雨寒凝閣阜雲  
朔風吹折蕭灘柳少年卓犖羞腐儒覽勝扁舟放五湖  
朝吟彭蠡夕滕閣大者琬琰小明珠春晴坐我竹亭下

日見青山滿官舍  
黎牀枕藉盡風騷  
銀管丹黃窮午夜

分燈有客共聯吟  
韓孟高梅勢相並

耦長與阮懷有湖西聯句

人皆

歎爾傾城姿  
愁絕娉婷猶未嫁  
相看青鬢易成絲  
百年

少壯能幾時  
千鈞強弩會須發  
陸殪虎豹水蛟螭  
愛爾

芙蓉艷朝日  
長歌爲我散愁疾  
嗟嗟寸心兩不忘  
共采

春華佩秋實

浮山吟送藥公入青原山時爲笑峰禪師掃塔

浮山一片雲飛落  
蒼梧野忽值南風吹  
旋歸廬嶽下

藥公

家浮山避地梧州華蓋寺值余奉使西粵始同歸抵匡廬別

往還離合詎無因  
十年

舊事休重陳  
三生石上魂未斷  
長瓢來濯清江濱  
老禪

不演三乘義  
却注南華窮  
豕繫推倒輔嗣冢  
中骨笑

蒙叟人間世泚泚清辨渾無語食盡茶蓼覺蜜苦戲拈  
稊米是神仙捲起河源作飛雨坐中秋色何蒼蒼城頭  
絕巘森相望興來遣興揮秃筆淋漓墨跡紛滿牀塔掃  
青原入山窟地作蒲團隨處歇黃荆倒挿鬱菁葱七祖開山  
時嘗倒挿黃荆至今尚茂又見孫枝爭秀發螺湖鷺浦夕陽曛吸盡  
西江獨有君別後思君何處所金牛泉畔夜鐘聞

藥公拈余浮雲一洗萬峰出作畫并題短歌見貽

依韵報謝

藥公別具神仙筆照夜青藜逢太乙手翻滄海弄白日  
興酣筆落如箭疾千巖萬壑何周悉爲我倒縮蓬萊歸  
一室雲蒸霧合天地一半空風雨泉聲出

附藥地贈詩 愚山生就名山筆十洲五嶽供塗乙  
 瑤石瓊林浴天日波浮霧合風馳疾我欲贊歎不能  
 悉為畫子春島上絃歌室忽然潑墨得句一浮雲一  
 洗萬峯出

送阮懷幼龍同歸里

楓葉初黃橘尚綠騷人並集芙蓉屋為舞白苧燒華燭  
 傷心難聽驪歌曲昨接家書今日歸不恨別長恨別促  
 吾儕放眼爭千古耻論窮達分虎鼠看君在困能倔強  
 俯視青雲不足取結客飛揚年少場賣文為活中心傷  
 半年官舍詩盈寸與古作者爭毫芒梅子淹留無一月  
 病中詩思如冰雪剪燭連牀興未窮一時二妙皆離別  
 霜摧木落風怒號移觴密坐淹今宵美人遲暮思公子  
 君去誰知我鬱陶人生拂意無貴賤但得同心齊所願

伯勞西去燕飛東眼前憔悴君所見

寄贈徐山甫廣文

飲百斗談神仙古來惟有李青蓮廣文先生無乃是囊  
中自注叅同篇惜哉杖頭無酒錢妻兒待米氣蕭索生  
徒餽餉猶堅却坐客無羶出無騎芒鞋布襪尋丘壑貧  
交苦愛蔡芹溪相過索飲醉如泥黃土可憐埋玉樹時蔡  
已雙柑斗酒共誰携

甘林遊讌作同徐伯調顧赤方  
黃坤吉陸在璞

瀟江水抱山城流奇樹青青金鳳洲我逢好友即開愁  
渡江野坐隨沙鷗沉沉翠幙暗天地離離萍實堆林丘  
黃衣仙人好顏色笑我多憂將白頭鹿皮藉草傾清醕

思山先生詩集卷一  
揮杯急勸如風雨洲上木奴那作計橘中棋局今何許  
酒罷烟寒香在衣村醪重酌莫相違千秋不忘此今夕  
明月隨舟送客歸

得貽上揚州書却寄

時自白下至吳門並有遊記

漁洋山人海鶴姿一卷冰雪忘朝饑我懷君日君思我  
千里同時各有詩楚江十月梅花早折寄躊躇嗟遠道  
素書珍重來章門美人託贈皆香草男兒作吏絕可憐  
登臨嘯咏誰能兼吳會山川好無數一時將去何不廉  
長風吹籟歲已晚愛君止願加餐飯報書却付廬山雲  
送到邗關勿辭遠

放歌答蘄州顧黃公

大風發地猛獸恐巴陵欲裂衡山動洞庭七澤橫天來  
魚龍百怪相喧豕黃公黃公太奇肆使我目眩失位置  
繁絃雜調相錯鳴語笑無端還涕泗一代風流澹蕩人  
廿年烽火悲酸事君雖郢客生在吳顧曲追歡無事無  
頻過幕府爲揖客時傍傾城眠酒壚流離滯跡秦公子  
詞賦傷心楚大夫偏強寧拋三尺組魁梧自愛千金軀  
扁舟忽繫蕭江岼兩月新詩不可算脫冠半醉作佯狂  
舉杯欲擲翻河漢眼中之人紛如蟻灑落如君復有幾  
開心剖意君不欺吾亦分明看爾詩兩雄相值漫相許  
浮名身後誰當知我昔過黃州飛騎登赤壁題詩破苔  
蘚長嘯響霹靂荒榛敗瓦山鬼啼玉局仙人不可覓早



長山先生詩集卷一  
知君臥北山阿悔不招尋吹鐵笛蹉跎晚相遇歲月行  
將暮摧殘困簿書愁疾闕章句疊韻重篇懶唱酬紫螯  
黃菊少歡聚顧黃公顧黃公紛紛馬上皆英雄金鞍玉  
勒橫珠弓吾曹腐唇誇繡虎諸侯磨盾嗤雕蟲君言老  
去知音急此語能令雙袖濕騶虞垂首猓貍驕枳棘爭  
榮蘭蕙泣空手無錢送爾歸秋燈夜雨百憂集及今相  
見且盡歡君過三十我四十

就亭望閣阜山雪

去年見雪始作亭雪殘洗出芙蓉青今日登亭初見雪  
倚天瓊樹森皎潔夕陽倒射天門開寒光燦爛金銀臺  
風吹萬疊晴雲出冉冉羣仙欲下來

李尚書夜宴燈舞歌

酒坐清光何陸離  
珊瑚火樹交葳蕤  
白紵杯盤安足希  
翩何翻覆華燈飛  
繞楹拂檻相因依  
低昂容與紛參差  
髣髴羣仙絳羅衣  
洋洋舞袖香風微  
繁絃逸響留春暉  
歡樂旣醉不能歸  
不能歸夜何其  
歌聲遲露將晞

就亭醉歌荅李宗伯

芳洲如碧玉  
落花成錦茵  
綠波與奇樹  
蕩漾清江春  
倉庚聲裏天氣新  
葡萄酒酌謫仙人  
謫仙八十顏如童  
開口大笑生春風  
緋桃杜鵑獨晚發  
兩株正照金尊紅  
坐我芙蓉屋  
倚我篔簹亭  
樹裏丹樓紛翕艷  
城頭疊嶂來青冥  
謂余亭閣好無敵  
青山古樹尤難得  
古樹輪囷百

歲餘青山迴薄萬古色天留勝事待吾儕會合登臨豈

人力管絃日暮重開宴嬌歌忽憶芙蓉面

公詩有我家失却芙蓉面

使君尚有芙蓉屋

洛浦明珠悵不還舞衫化作西飛燕歌欲闕

夜未央請君再進白玉觴風回花片入酒香壯心暮齒  
慨且慷吾獨何為生悲涼

### 人生歎

人生常懷千歲憂晝短應須秉燭遊古之作者已腸斷

我今歌此仍淚流泰山為輕一羽重巢尤尚笑唐堯愁

達賢懷抱類如此萬事浮雲何足謀盜粟耻為太倉鼠

被繡誰憐清廟牛撚鬚苦吟復奚益坐看霜雪盈我頭

丈人卷舌但安坐息心頤性長優遊猶龍五千亦偶爾

蒼蠅細響君且休

西江得蔣虎臣書言自吾宛陵入黃山却寄短歌

有僧來自牛頭寺懷君一札千行字雙旌臘月宛陵遊

素書重向洪川寄藥物携將療我衰紫芝歌曲傷人意

宛陵凋謝非昔時霜摧木落客心悲涇川難問琴高鯉

疊嶂虛尋謝朓祠先生過我待歸閣予在官時叔父構草閣曰待歸寄

宿溪光忘寂寞報道山家雲月好苦愁抽宦風塵惡黃

山之麓丹砂泉濯君仙骨凌紫烟十年舊約余獨慳夢

魂飛上蓮花顛却如酒人聞旨酒口未得飲空流涎聞

君黃山既久淹何時更掉潯陽船君不見匡嶽鑪峰碧

烟裏橫空飛瀑天為洗遲君漱齒餐石髓

發袁江

秀江空翠看欲無盤渦激瀨寒侵膚乘流縱棹迅飛鳧  
羣山却走如亡逋岝嶭水碓喧轆轤釣臺巨石青珊瑚  
河伯江妃白晝趨臥聞灘響忽已逾颯如勁箭離雕弧  
萬籟奔騰鳥獸呼枕藉清光離簿書藤花飄落上髭鬚  
逸興今朝不可孤舉杯滿酌酬江湖

樓頭歌呈太虛諸公時三月廿四日後三日立夏

太虛先生極言著書方  
法伯調弘載將歸越矣

陂陀尺寸皆芳草樓頭新綠忽已老坐中美入又將歸  
片時不醉朱顏槁平生意氣山可移中年學道梅何遲  
富貴神仙終兩誤千秋萬歲我爲誰勞勞愁緒何時畢

過眼韶華爭箭疾枕藉糟丘未爲失春光珍重餘三日

送張虎別大叅

余分守湖西張爲分巡時以裁併回籍

皎皎雙白鶴雙棲自相匹一朝羽翼分悲鳴聲唧唧唧  
唧終當別離腸無斷絕誦子詩如錦重我心如結蓼蟲  
習苦人謂甘君去艱辛向誰說湖西三郡皆瘡痍山連  
楚粵多嶮巇爾我犄角猶難治君去愁將一木支載書  
歸興何蕭爽山川到處延清賞累月曾眠西子湖三峰  
舊踏仙人掌愛君意氣輕華簪愛君流水操素琴十年  
在匣今一鼓殷勤珍重憐知音相思江上樹江雲忽已  
暮惆悵春光好却共美人去白鷺洲前青雀舟蕭灘望  
斷倚高樓相期斗酒難相值心逐長江千里流

建蘭歌

澧浦舊種人不識建陽厥產稱第一花高葉短自離羣  
嬋媛獨媚幽人室殷勤愛護資清歡燥濕寒暄良獨難  
參差玉立當風笑密幹叢花滿石欄昔時花少覺花好  
今日花多任花老主人爛熳坐花前有酒何人共傾倒  
九畹繁滋勿復論靈均既去誰招魂願君見采充君佩  
與君同心君莫棄

紫芝歌

臨江府城南有唐處士歐陽董讀書臺叢生瑞  
竹色爛如銀名瑞筠山余分守之三年忽產紫  
芝百餘本李宗伯明睿更名紫芝山爲之記

歲之癸卯夏初吉石龍城南芝草出爛熳參差數十叢  
紛如紫雲曜赤日寺後亭陰半山滿盤椀車蓋狀非一

百年父老罕驚見十日窮搜猶未畢是時僧舍薔薇開

藥公駐錫閩翁來

李太虛宗伯別號閩翁

拄杖披榛睹靈物賦詩

大笑同徘徊更錫山名曰紫芝摘詞勒碣冠崔嵬此山

舊為處士宅中林尚想讀書臺昔產瑞筠今神草寸壤

作異胡為哉九莖連葉非難致甘泉涵德空矜異嘉禾

不書長楚嗟忍拾山茵侈奇瑞陳顧周梅

陳士業顧赤方周宿來梅

有詩

皆健手後先作歌真好事我愛紫芝曲人呼紫

芝山白石青山無姓字江雲松月心常閱老夫齒落髯

已斑胡為澳忍局曲風塵間五芝倘許斧子食會當餐



英茹實使我光澤成朱顏

泰酒歌有火酒老酒二種

西昌半月罷飲酒舉杯勸我但搖手衆醉那能甘獨醒

昔稱歡伯今良友可憐火酒如寒泉一觴未進喉欲然

身非卽墨與燕敵火牛何用摧中堅再傾琥珀名老春

沃我消渴瑩心神醇醪苦雜青梅味裂牙蜚鼻還愁人

天常故老有伯玉自矜家釀比醪醖蕭太常士瑋家釀名酒見春浮園日

安得就君乞一斛斯人不見傷局促客夜憂來不可

富眼前况復荷花香祇應紀叟墟頭醉回首家園天一

方

吉州九日登天華山

螺川夜雨朝日晴  
早霞正照千山明  
郭西走馬卽丹嶂  
巖前把醖看孤城  
浩蕩風塵成老叟  
怕見青楓映疎柳  
孟嘉從事昔淹留  
落帽曾經此地否  
孟嘉嘗官此州  
賓僚雲物好無敵  
緩舞清歌陵絕壁  
東籬有菊未開  
花野寺何人遠  
吹笛西江三度送  
重陽此度車輪轉  
客腸家園官舍皆  
離別且盡今朝住  
醉鄉

天如... 泰... 四... 愚... 可... 愚... 我... 血... 愚...

施愚山先生學餘詩集卷之十八終

西去... 愚...

施愚山先生學餘詩集卷之十九

七言古

鷺洲講會歌

西江講學之會吉州最盛中輟者四十年矣余  
以癸卯十月修復舊事布衣野老皆許以客禮  
相見會者近千人

秋蘭被洲渚霜至皆落英春風一夜吹又見叢蘭生可  
憐天地留此洲潛蛟宿鷺成荒丘誰開草昧置講席狂  
瀾獨障砥中流括匠經營相繼起飛甍畫棟臨江水絃  
歌終歲白蘋邊冠蓋連鑣碧雲裏百年聚散等飛蓬或  
爭腐鼠矜雕蟲今日何日復良會再陳俎豆考鼓鐘龐

眉黃髮集耆舊淡巖邃谷來章逢談天恥作稷下士習  
禮依稀洙泗宮老夫顧影一何有皇皇生垢敢開口先  
民誘我升此堂駿奔左右余恐後往事銷沉四十年父  
老重聞皆泫然蜉蝣旦暮誰不朽竦身策足追前賢清  
光爲照遠來客向夕洲前月如雪請看萬古螺江水日  
夜長流無斷絕

逢武昌孟孝廉兼憶王山長懷人二廣文時並將

赴公車

二十年前見文字氣作長河捲平地二十年後看眉宇  
皎如玉樹凌孤嶼江亭把臂心胸開繫舟斗酒相徘徊  
探懷自具五色筆置身豈少黃金臺氣結腸迴說不得

清秋鴻雁飛南北洞庭波濶九嶷深彼美何由見顏色  
鄭虔莫恨老青瑣司業年來乏酒錢相逢爲道相思處  
白鷺洲邊烏桕樹

冬雷行

癸卯

山無試不意

今年八月春氣催  
贛江桃李花亂開  
仲冬蛙鳴草不死  
殷殷動地聞奔雷  
朝訇東南暮東北  
翻盆驟雨荒城摧  
乾坤戶牖何不閉  
顛倒八極聲喧豨  
江南夏旱秋雨淫  
巴川漢水洪濤深  
澤國魚龍窟  
城市人家烟火棲  
山岑百年怪事真罕見  
儉歲嗷嗷偏穀賤  
催科力盡無金錢  
上下相看淚如霰

酒間和浮山長短句贈飯牛山人

愚山先生詩集 卷十九  
老夫官舍如僧室咀嚼新詩似崖蜜飯牛處士梅川來  
酒氣却從十指出千鈞力縱一筆大書如斗驚電疾山  
田不荒粟可種驅犢閔時且抱膝不然揮毫潑墨爲遠  
山商歌扣角非今日

浴鶴

野鶴閉官舍引吭長哀鳴稻粱豈不飽中心殊未平塵  
污短翮誰憐汝銀餅汲井濯素羽褰裳振衣夫如輪清  
泉一石難容身屈曲盤旋不得意怒翻盆水滿平地請  
君放我江海間爲君清暖舞雙翅

憶舊吟寄金陵倪閣公黃俞邵

六朝舊地多賢豪少年結客相招邀開尊夜醉烏衣巷

緩帶晨過朱雀橋太平盛事吾生晚松柏巋然見後凋  
秦淮日落歌管聞縱橫騷雅張吾軍是詩文字天下重  
競推白雪輕青雲三十年來事已往予亦風塵困鞅掌  
當時耆舊半凋殘存者飄零散草莽漠漠江流白浪開  
崩雷駭浪雙蛟來倪生黃生各突兀矯矯玉樹無塵埃  
黃生邂逅竹關側題詩贈我披胸臆賦擬三都氣不驕  
書藏萬卷人誰識倪生灑落同心期吾友常推絕妙辭  
謂周伯衡反騷學杜意慘澹顏筋柳骨兼能爲二子同聲相  
暱就各有新吟錯如繡別離百感填中腸憂時老淚霑  
雙袖倪生經年一相見黃生十載隔游讌菰蘆之中老  
此人驚看歲序如飛電江南三月春可憐好傍青溪繫



畫船雨花臺畔江天色桃葉渡頭楊柳烟我今多病洪  
川久昨夜傷心聞杜鵑長江東下二千里望斷金陵日  
暮天

橫谿吟送從兄雨侯歸

所居橫谿

送君處草萋萋寸心千里隨君歸君歸處山幽幽藤葉  
松花香繞樓樓下當軒種花藥到門春暮花應落華陽  
處士君獨賢來往江城詩幾篇宦遊兄弟空相憐何如  
歸種南山田雨歇南峰采茶去白雲如縷穿衣屨願分  
茅屋架橫谿掃石烹泉共君住

筠江歌荅周伯衡

伯衡按部筠州有筠陽江路謠及烏山雲松懷

友諸篇又貽余長歌爲之撫節而吟云爾

筠州江路阻且修美人弭節行夷猶童謠野歌三太息  
烏山落日啼猿愁人情棄舊如敝屣雲松膠漆何綢繆  
長歌似同谷短歌似秦州君兮君兮何獨長吟永歎懷  
古今而慕匹儔願得千石酒與君相拍浮願得雙飛龍  
與君同遨遊君聞我歌還淚流安得並轡崑崙丘與君  
清嘯凌十洲我髮爲君白我興爲君發鳥獸怒號洪濤  
汨沒伯牙成連安在哉霧雨冥冥沉海月東流逝不停  
滄溟會當竭人生哀怨何時歇君不見鳳與鸞出丹穴  
啄琅玕高飛天路絕繒繳何必珠樹始盤桓請君莫歌  
行路難

袁州臨發登宜春臺短歌

問君何事不得登高臺  
黑雲積雨連江來  
簿書如山眼不開  
今朝走馬且徘徊  
空濛遠色碧天盡  
滾滾濁世飛黃埃  
千山寂寞皆崕嶼  
大小袁山在人口  
處士翻成古郡名  
古來富貴亦何有  
袁生兮袁生  
樓頭酌爾一杯酒

按郡志昔有高士袁京居此稱袁山遂以名郡

蘆中篇寄余季蘆先生

集名蘆中吟

蘆中之吟淚如水  
蘆中之人伊誰子  
烟霧冥冥滄海深  
重欷絜歎霑我襟  
三閭既沉杜陵死  
此曲誰能辨古今  
歲寒道遠日欲暮  
天慘慘兮雨淫淫  
步兵憤俗多白眼  
茂陵臥病無黃金  
從前萬事難具陳  
神龍偃蹇同枯鱗

長鯨風起萬家破海濱白晝生青燐四壁不存八口困  
著書滿匣成飛塵平原兄弟太丘子更和遞唱矜陽春  
寄我就亭歌胸中磊塊一何多序我江行集哀樂無端  
風雨急文章自古中何用瑚璉夙缶誰輕重可憐一片  
子期心鬼神爲泣山川動先生舊澤在陵陽雜花種滿  
宛溪旁我今思歸心內傷安得歸故鄉從君以徜徉足  
踏棹高鯉手把李白觴側身東望思茫茫

麻棚謠

袁州民不藝麻率賃地與閩楚流人架棚聚族  
立魁長陵轢土著吏不能禁謂之麻棚

山陬鬱鬱多白苧問誰種者閩與楚伐木作棚禦風雨

懸山外生詩集卷十九  
緣岡蔽谷成儔伍剝麻如山名估客一金坐致十石黍  
此隰爾隰原爾原主人不種甘宴處客子聚族恣憑陵  
主人膽落不敢語嗟彼遠人來樂土此邦之人爲誰苦

萬載謠

山城早閉中夜雨夜聞城中噪猛虎十家九家聲暗吞  
城中人少荆棘存城高丈五半傾裂中貫長河無水門  
盜賊哀憐不肯入官吏倉皇征稅急鳩居雁集一何多  
土人拱手客種禾殺牛沽酒醉且歌滿眼蕪田奈爾何

三宿馬當歌

小孤風急楓葉殷馬當磯下浪如山北去官舟三日住  
日日烏啼磯上樹聚艇彎弓防綠林又聞虎嘯來江灣

舟中夜半人驚起沙頭擊柝誰家子

輿無夫行

雞鳴驅車客行急行渡黃河北岸立信人驛吏饑且道  
朝天使者輿無夫輿無夫日欲暮千錢一夫不肯去聞  
井流亾已非故君不見草深野曠狐縱橫荒田夾岸無  
人耕

到京聞曹木欣學士移病南歸悵然有述

十年學道老未成千里論心懷友生扁舟君向黃州去  
匹馬踟躕空復情清江亦與黃州近好付鯉魚寄山信  
心思歷亂別愁多數行短札將如何

關園董玉虬侍御邸齋作墨竹布障

關園恨不逾十笏種竹恨不高千尋戲取冰絹寫寒玉  
茅堂白日如青林葛陂龍杖那在手柯亭笛材少知音  
與君醉向此中臥夢到江南秋水深

奉荅龔芝麓中丞京邸夜宴酒間枉贈長句

同鶴田孽

子仲調翼蒼  
五崖園次

高堂蕭爽如山樓華燈清夜羅庶羞詞人良會半耆舊  
游子後來居上頭謂我間關成遠客素心促席相勸酬  
紫駝作羹金盤膾吳歛楚舞揚輕謳啁啾絲竹四坐靜  
今夕何夕銷百憂主人愛才天下少衆中見許文詞好  
執卷摩娑語未停長篇揮灑疾如掃粵嶠吳山夢杳冥  
望遠傷離思潦倒其驚落筆獨波瀾顧我中年已衰槁

江湖十載遠金闕麋鹿閒  
心憶巖穴舊游郎署各飄零  
新貴逢迎慚老拙  
先生痛飲惜清懽  
午夜雞鳴興未闌  
天下英雄還幾輩  
笑看落月低檐端

臨江太守行

美高使君也  
名培蘄州人

臨江江水見江底  
太守酌之甘如醴  
臨江野田半荆棘  
太守見之淚沾臆  
露冕東郊騎瘦馬  
牛背牧兒不冑下  
官齋種藥兼種蔬  
厨中但有武昌魚

北樓夜醉歌贈別龔使君

自茲半樓在郡齋  
內客罕至者乙巳  
仲春同洪庭植懽  
若雲同讌余是時  
又將赴官西江為  
作歌使後來知此

臨江太守行



謝公北樓倚疊嶂敬亭壁立森相向遠樹全分官舍中  
浮雲倒接江城上畫棟珠簾誰壯遊青蓮彩筆獨風流  
自從牛渚騎鯨去狂歌無復凌滄洲陵陽舊是神仙地  
詞伯更乘黃鶴至花下爭看水部吟池邊又見山公醉  
使君瀟灑真絕倫抗手直揖千秋人興來大笑向我語  
樓頭百尺宜嘉賓北海清樽成勝集良夜還將絃管入  
檜柏憑虛嵐氣深魚龍聽曲牕紗濕銀箭金壺欲曙天  
落月重開萬井烟清歌妙舞尋常事此地蕭條二十年  
二十年來無此樂一夕青天恣盤礴飛夢疑攀華頂峰  
聞笙不羨緱山鶴纔共登臨手重分風流好客苦思君  
明朝帆指滕王閣回首江東日暮雲

彭蠡湖遇迅風誤入別港

方舟夜滯湖口縣雨漲春朝急飛電北風曉發江晦冥  
慘澹孤山看不見天吳河伯白羽旗牛首蛇身共酣戰  
帆檣飽掣天欹斜兒童轉側頭驚眩今朝雷雨更砰輪  
鄱陽倒揭匡廬傾折戟沉沙怨鬼怒崩崖古廟神鴉鳴  
百端亂集茫茫裏白浪如山那甯平日旻風狂天盡黑  
漫漫江路無人識鷓首橫飛斷港中一步千鈞移不得  
是時四顧迷南北捩柁長年失顏色磨牙吮血盜如麻  
垂堂懼委豺狼食語君勿歎息聽我歌短歌千里乘風  
聊快意片時停檝非蹉跎同來獨憶聯舟客倉皇相失  
隨風波人生自古憂思多明日愁看青髻皤

對酒歌寄偉長

對酒不飲心茫然吾宗老髯稱酒顛一舉百觴傾四筵  
掀髯仰手問高天平生彊項誰能憐挂瓢抱甕飲山泉  
窮秋送我衝暝烟夜闌語雜不能眠合尊促坐篷窓前  
明星歷歷照清川吾今衰病非昨年新詩取樂不取傳  
殘牋散帙無人編飯牛野老耕蕪田倉有脫粟囊無錢  
胸填磊塊腸欲穿速來共醉酒滿船眼前誰是飲中仙

馮木伯自永豐罷歸山陰追送是詩

邑有蓮花山

蓮花山下春花開陶令行歌歸去來衝泥難拆江邊柳  
惜別還孤池上杯浮沉世事那可道不如歸去鑑湖隈  
丈夫大笑返初服陽豐萬戶吞聲哭昨夜空江風雨中

孤舟却向何灘宿

鹿溪行贈心淵

少年曾向鹿溪遊  
轉眼飛光欲白頭  
鹿溪園林足奇樹  
今日主人已非故  
剪紙難招北寺魂  
迴車誰哭西州路  
公子生來不相識  
但言家世淚沾臆  
葛屐休辭太苦辛  
鳳毛自具好顏色  
汝翁意氣山可移  
傾心下士兒童知  
李郭盛名真再見  
喬固危機又一時  
石城忽灑萋弘血  
慘澹鍾山昏日月  
生存華屋歿藁葬  
夜雨哀猿啼未歇  
梅生贈汝孤兒行  
謂耦長變徵移商金鐵鳴  
清時雖喜罷  
鈞黨畏路猶疑變  
姓名蕭江水清月  
如雪賸有相憐寸  
心熱好憫倚閭讀  
父書丈夫何必耻  
巖穴

江亭短歌送周釜山

釜山作詩愚山眠自憎病滯楚江邊青楓暗日秋雨急  
臨當送別心茫然丹鳳樓前爽鳩署吾曹痛飲高歌處  
歲星金馬閒有餘杖策西山自來去浮雲一散江湖濶  
風波溷洞還束縛羨君拂衣汗漫游武夷雁宕窮巖壑  
君不見汝鄉王顧與沈吳轉眼舊游皆老夫蓴羹千里  
四腮鱸安能往就傾玉壺又不見蔣大鴻董蒼水其人  
未見才並美安能同坐九峯巔笑看漁父蒼波裏行矣  
相思我與爾

答蔣大鴻

昨夜鄱湖風浪起飛出江南一雙鯉美人寄我歌曲長

絲絲遠道九迴腸生未相逢苦相憶道書三歎誰能忘  
跋扈詞場殊不少可憐難得心期好側聞意氣時輩  
論交執義非草草十年不肉亦不妻南遊江楚東會稽  
尋山自具客兒癖揮策直蹋青雲梯餐霞弄日絕壁外  
碧蘿琪樹千峰低棲遲愛作陵陽客手自鈔書動盈尺  
登我溪上閣坐看敬亭山把杯半醉叫李白謝公樓畔  
時往還我欲因之附歸夢楓林躑躅摧心顏

青原山後新得飛瀑布曰小三疊漫書僧壁

前山後山何巖業臘月中尚紅葉燒榛虎穴破杳冥  
捫竹龍湫試登涉玉井銀河曲注來崩雲駭霧紛相接  
仰看拍手共驚呼此是匡廬小三疊往來樵客幾千年

灌莽蒙茸隔眉睫亦如雁蕩闕層巔晉宋以前迷浩劫  
天開靈境始吾曹山鬼水仙走蹠躐老僧笑對一無言  
振策重將峰頂躡今藥公手書小壘刻石其上

題沈築巖洗桐圖

傍巖茅屋桐陰綠重汲清泉洗寒玉驅童抱甕倒百廻  
主人取潔心未足山陰高士寫此圖胸中冰雪同倪迂  
誰其似之築巖子客遊只愛清江水

花下歌送陸麗京之南浦

去年送君白鷺洲酒酣握手登高樓賓朋四坐獨長嘯  
詩成氣挾長江流今年送君鹿江曲春盤促席梅花屋  
城南擊虎進虎肉雲開坐見千峰綠丈夫忼爽心顏開

對君好盡花前杯  
雙屐幾年遊  
海嶠石梁瀑布窮  
天台  
天台四萬八千丈  
直攀華頂窺天上  
親見松喬馭赤螭  
下看日月生青嶂  
大陸才名世所稀  
風波瀕洞中心遠  
鳳羽已將雁雉網  
羊裘還許臥漁磯  
君嘗坐事逮繫久乃得白端江  
江畔寄雙鯉  
曲江祠前采芳芷  
倚遍扶桑望八荒  
更逐浮雲幾千里  
勝遊良會難可忘  
東皇告我邀春光  
南州詞伯好相見  
爲報相思江水長  
謂伯鶴柴雪諸公

寄陳階六淮上

韓信城頭憶風雪  
元龍榻前話離別  
明日孤舟我獨歸  
至今三歲心如結  
江波淡沔江洲春  
聞君病起梅花新  
寄書且拆一枝去  
爲問風流舊酒人  
君自號楚州酒人



寄書桐陰讀書圖歌寄王西樵司勛

桐陰讀書圖

陶公愛五柳杜老憐四松千秋王司勛永嘯懷三桐盤

根聳幹徂徠東參差玉樹交菁葱司勛讀書坐其下高

吟海岱來長風百尺排空飽霜雪疎枝覆地紛蚪龍三

人一去金門裏清影時飛客夢中開襟凝睇不可見長

安市上車塵紅誰移此樹森在眼廣陵好手丹青工箕

踞科頭氣盤礴繁華大葉陰蒙茸賓客滿堂各題字畫

手詩篇光氣同阿弟見之復大笑

謂阮亭客部

機雲唱和成

兩雄多難風流未搖落不悲枯樹感飄蓬我有就亭在

官舍山東長句郵詩筒因風報之歌一曲東西相望披

心胸

神船詞

清江縣舊俗上元賽會昇彩舟行地上羅載百  
神服飾甚盛鼓吹三日夜乃送而焚之江滸

清江江水春未生江城滿耳棹歌聲驚雷駭電紛縱橫  
桂楫蘭舟平地行駕赤螭兮吹玉笙驅風伯兮抗霓旌  
船中恍惚天帝居乃是上帝百神之所都羽衛陰森彩  
仗集帆檣蜿蜒蛟龍趨別有天妃曳長珮篙工柁師皆  
好姝靈旗風起時晦冥仙樂要眇還有無疎星歷歷月  
皎皎夜祀明燈接清曉騰鳧牖鱉陳酒漿瓦卜雞占前  
致禱黃冠陪坐恣盤餐父老爭言神醉飽願驅厲鬼屢  
豐年使我百穀皆堅好喧闐花月可憐春送神還向清

江濱縱火燒船付江水錦袍絳節成飛塵塵飛處水東  
去梅花已落江臯路年年賽社不愁貧典衣又辦蕪田  
賦

送築巖歸里

山園舊業姑山下抱書未冒事躬稼策名幾載貢廷闕  
掉頭不出耻干謁坐吟門徑長蓬蒿平生意氣許吾曹  
岱宗夜見三更日蠡澤秋凌萬頃濤玉筍峯前柳成絮  
故人鼓柁東歸去一旬積雨雲未開江蘿乍綠江聲來  
那堪昨夜牡丹發正照今朝送別杯

戲魚堂石刻歌

新淦縣

南山有時平何況南山石刻瓊刻玖良可憐尤物摩挲

成棄擲請君且勿喧聽歌戲魚堂御史風流劉參莊謫  
居江畔歌滄浪臨池築室好心眼法書鈎勒窮微茫俯  
駕潭州方絳帖語見輟耕錄寸紙片石稱琳琅繞檻文魚何  
蕤蕤叢篁古木交清光隄傾石泐竟何往野水東西空  
夕陽我聞周宣石鼓刻爲白嶧陽秦碑踣已久填橋甃  
壁半湮埋雨剝雷轟恣擊掎礮火摧燒琬琰文馬蹄蹴  
蹋龜龍紐負郭東山百戰餘城市凋殘物銷朽苦心搜  
索決泥沙隻字斷文無一有天傾地坼海揚塵古來萬  
事終沉淪於乎古來萬事終沉淪零落殘碑勿復陳

湖西水

天柱傾欹滄海溢怒雨沉雲欺白日敷淺原低河伯居

愚山先生詩集 卷十九  
武功山破老蛟出城頭繫艇城根摧雙江萬壑聲如雷  
山村駭漲牛羊沒津市盤渦魚鱉來茫茫后土成泥污  
水落田廬在何處父求亾子夫求妻死者橫流罨高樹  
農時已過夏將徂新禾爛盡穀種無莫言明日追田租  
今日呼天淚滿襦

醉書官齋叢竹

琅玕萬樹成高齋袒跣相對開胸懷炎天水雪生四坐  
長宵風雨翻空階虛中那愛斧斤斲疎節寧求龍笛諧  
江清月出時獨嘯舍君誰復知吾儕

龍山月下作歌送汪舟次遊匡廬

今夕江山共明月龍山嶺上獨清絕秋光偏爲照幽人

君去匡廬又將別，爐峯瀑布千尋長。濺珠激雪相迴，  
九屏五老人宵眇，相看衣履紛青蒼。涉谿何處詢惠遠，  
挹泉著意尋康王。香山草堂已蕪沒，到今滿地山花香。  
我昔薄遊屢迷誤，崩雲忽奪巖前路。啼猿馴虎同往還，  
曲磴枯松自箕踞。僧廬石壁竹林邊，顏唐猶記題詩處。  
祇今北發且脂車，徜徉安得同君去。人生頭白慚青山，  
輸君年少身能閒。此行努力應盡興，長吟雲樹皆懽顏。  
君看江上兵船滿，但去山中君莫緩。

洪崖短歌

寒崖成獨坐，日暮不知還。不聞人語聲，但聞水潺潺。仙  
馭何年撇波去，木葉落兮愁空山。息余馬兮駐余策，吾

欲從此煮白石

爲余斗所方伯題像

秋雨江雲在江樹客船夜泊章江渡展圖忽見偉人姿  
滿船賓客皆驚顧鴨江龍起多賢豪爭剖符竹擁旌旄  
雄才獨可略時輩深衷還肯收我曹陽城心苦政偏拙  
賈誼憂多淚成血公爲方嶽最優容握手相看懷抱熱  
紫薇官閣數懸魚清夜藜牀坐讀書干戈未靖軍儲急  
水旱頻蠲民力紓半生游宦誰不羨東西南北舟車徧  
建牙開府事尋常屏翰風流人所見木落蓬飛又別離  
爲君題句重相思它年黃髮丹顏好長憶東湖會面時

施愚山先生學餘詩集卷之十九終

施愚山先生學餘詩集卷之二十

七言古

賣船行

誰言在官有餘祿倒篋購書猶不足誰言薄宦無長物  
故人贈船如大屋載書千卷船未滿四坐詞人命絃管  
清江白鷺伴往還楚歌騷激吳歌緩自擬相將汗漫遊  
歸來蕭索妻孥愁親朋環顧只空手不如棄此營菟裘  
近日括船軍令急戰艦連檣如雨集大船被執小船破  
長年竄伏吞聲泣去官那敢說官船汎宅終輸枕石眠  
欲藏無壑賣不售且繫青溪蘆荻邊

無酒自嘲



大蘇嶺外無餘物酒器惟存荷葉杯我贖一杯是紅葉  
亦思斤賣重裘徧國工心苦雕鐫裏故人贈我來萬里  
到手曾無綠蟻浮携鎗且酌澄江水藥欄花發還踟躕  
花下春風不可孤空杯何似酒滿壺明日能留杯在無

題聖飛南岡種花圖

醉我南岡酒逋汝南岡詩買花種竹有奇癖桐陰把醖  
臨清池惠我矮梅堆几案明年花發重相期世上餘子  
多碌碌抱膝枕書吾意足再闢南岡十笏寬與爾比鄰  
接茅屋

放生河

郡東郭宛溪漁釣所集僧明虛築清溪精舍募

買河五里許請禁網罟謂之放生河

清溪不漁亦不釣  
碧山影落水清妙  
魚遊絕勝濠上樂  
莊叟來觀開口笑  
昔時陵陽竇子明  
釣龍仙去歸太清  
百尺澄潭靈蹟在  
神蛟赤鯉山根生  
截流竭澤取無已  
龍潛魚服吞聲死  
駐錫重來杯渡僧  
買河長畜琴川鯉  
精舍疎鐘竹影間  
聽梵遊鱗時往還  
安得天下萬事皆  
若此止戈去殺同  
歡顏

白雀寺

輕舫聞疎鐘  
古寺尚松際  
青松夾道二三里  
琳宮紺宇相虧蔽  
丹青四壁烟霧開  
陰崖忽裂天爲摧  
寒空噴雪瀑崩屋  
蓬壺仙客雲車來  
人間幾見成滄海  
米蘇殘碣

生光彩白雀孤飛去不還  
梁朝老樹今猶在流泉九曲  
何泠泠寺後危亭接宵冥  
萬頃寒烟太湖白半規山影  
洞庭青我欲携鐙煮明月聽  
演三乘療饑渴至人大道  
不可說踟躕還與老僧別

吳興夜醉宗鶴問客舍

同嚴旣方  
孫介夫

烏程美酒緩百憂  
罨畫溪連下若流  
借問昔人豪飲處  
窪尊亭在峴山頭  
市沽百甕難甘口  
欲尋歡伯誰家有  
少文本自耽卧遊  
客舍留賓傾五斗  
白蘋風起蓼花新  
涼秋夜永且相親  
我亦淹留能幾日  
除却尋山覓酒人

同吳湖州飲孫太初墓側

客子有山癖主人借遊具  
道峰踏盡日將暮行厨置酒

雲歸處

山有歸雲洞

雲浚古木號悲風松陰酌酒山人墓作

亭表墓始阿誰延陵望古心相慕於乎山人何如人挂  
瓢詞翰今猶存空同作傳少谷序後來憑弔皆銷魂寒  
烟薜荔哭山鬼老僧蘋藻如兒孫世間萬事東流水眼  
前且盡酒一尊殘碑風雨猶磨滅人生何似南山石

西湖歎

山圍碧水隄橋好西湖一曲天下少波光雲氣變陰晴  
玉笛銀箏接昏曉三春桃柳亂如烟十里芙蓉繞畫船  
遊女爭過瑪瑙寺少年遺却珊瑚鞭南渡繁華長若此  
一朝歌舞歸流水蘭舟漸少葑田多飲馬千羣夕陽裏  
岳王古廟飛青燐處士孤山愁殺人呼鷹走狗無遺鶴

陵樹園花盡作薪黃塵日日昏林麓野老哀吟愁躑躅  
夜來急雨洗兩峰可憐依舊湖光綠

幔亭歌

荒臺絕壁盤烟霧爭傳秦代羣仙聚虹橋綵幄雲錦張  
流霞天酒百花香髣髴姑膚婢約霓裳妙舞鈞天作  
傳呼太姥宴曾孫殷勤勸盡筵前尊忽奏人間可哀曲  
坐上幾人腸斷續白日欲暝飲既醉虹橋忽撒人在地  
人在地兮當奈何彩雲散盡白雲多

劣崩峰

危峰矗立鼓山頂目盡闕天萬峰影磨崖上有紫陽書  
光芒倒射扶桑冷雙江滙合蛟龍遊三山滅没人烟浮

島嶼東看入海氣空青一髮指琉球洪濤忽起天地動  
羲和返駕寒雲愁吁嗟乎白日苦短青鬢已斑天風何  
泠泠吹我骨珊珊念欲乘風揮手去八表萬里何當還  
鸞驂鶴馭良不遠鯨吞蟻鬪誰能閃回首大笑哀人間

海波行

海波海波爾何意爲爾奪我沃野地傍海漁樵生計多  
萬家內徙皆撥棄饑人委路衢海水轉多魚我欲網魚  
取一飽官家捕我死須臾君不見煌煌赤字官碑在道  
傍一步卽邊界

閩寒行

風吹野店捲蓬壁旋如鶻起去無跡天黑愁摧若木枝

雨翻直決鮫人宅邊海崇墉多戍壘濕蘚陰崖泣山鬼  
朔氣南來變雪霜荔歇榕衰半生死不信聞天客苦寒  
手僵膚裂聲悲酸

射鳥樓行

爲周櫟園先生紀事

越王城邊鳥啞啞射鳥樓頭鳥不下周侯破寇此城頭  
到今殺氣城鳥愁先皇丙申歲七月寇來海畔成山

丘疾如長鯨吞巨舟城中號哭聲啾啾侯方解官聽吏  
議爭推要害守鳥樓抗言立功須宿將使貪使過皆保  
障中有健手王老虎陷陣摧鋒氣偏壯羣凶爭踞豹頭  
山咫尺鳥樓正相向蟻附蜂屯頃刻間何人敢立女牆  
上周侯清嘯決戎機誓師慷慨褰鐵衣指顧中堅發大

礮須臾萬骨黃塵飛紫袍戎首正糜爛一軍氣盡輿尸  
歸總戎援兵適繼至三山是日解重圍當塗方畧固多  
有功成乃出閔官手烽烟既息烏樓空烏樓壯績在人  
口他年再集頭白烏射烏還有周侯無

清流船謠

九龍灘畔清流船上如上天下沉淵船真作紙舫為鐵

聞有紙船鐵舫公之謠

差黍有時還觸石船觸石兮可奈何嗟爾

客遊一何多

補船行

夾江石齒喧霹靂百丈斜牽爭咫尺傾崖斷岨阻人行  
三老呼號如哭聲老虎灘頭石如虎擊穿艇子咄嗟補



斲板刮竹傅泥土不取堅好取撐拄樹黑雲霾戍火微  
山魃夜啼立風雨

醉遊吟留別曹秋岳侍郎

昨日飲湖渚今日遊山園相携繾綣不能別半醉臨風  
歌一言長安花發滿青門司農東閣開金罇宣城野客  
卧郎署日袖詩篇相討論文章直許曹劉合意氣寧知  
卿相尊風塵浩蕩忽飄散一卧滄江歲將晏南馳嶺表  
北雲中尺素雙魚心緒亂但知詞翰益老蒼豈謂園林  
同汗漫移船改席興何長俯檻徵歌爵無算於乎此園  
傳自武穆之孫岳倦翁其人文雅多淹通賸水殘山紛  
氣象不與他家堆砌同司農讀書日坐卧范蠡湖水連

芳叢又闢小園依第宅高下池亭分咫尺半岡詰曲盡  
栽梅四坐谿衍皆倚石斯文耆舊時過從鄴下西園嗣  
往蹟崎嶇軒冕鬢早斑何如羣賢絲竹遊東山我今歲  
暮且歸去會待花時重往還

歲暮行

歲云暮矣胡不歸我叔頭白家書稀身雖老健心事違  
碁局詩篇今是非連宵入夢沾裳衣寒江冥冥雨霏霏  
明日買舟急歸去石尤風急江村暮

寄蕭孟昉

去年余五十故人尺素遠相存今年君五十遊子扁舟  
方出門年過半百日已老相思那得好懷抱多君高義

復愛客藏書萬卷酒百石揮金代士輸宿逋投轄論文  
浮大白春浮園古易爲春年年臘月梅花新花前今日  
留賓處倚醉題詩定幾人

醉後歌荅楊陶雲兼寄令叔闇齋

陶雲以翰林  
謫南昌縣丞

龍門兩世稱良史不辭吏隱看江水古來重人不重官  
梅福風流正爾爾沉埋匣劍光逾明半蕤枯桐琴不死  
春來日日開芳筵醉中爲我歌賣船藏書已購幾千卷  
手板長拋盡日眠屈宋哀吟徒太苦夷吾江左今何補  
桃花昨夜雨聲多悔不花前倒清醕君家大阮吾同曹  
六年不見心鬱陶江山好在且爲樂莫厭門前滿逕蒿

南浦客舍送孫豹人入楚

雨落江梅濕不飛春泥沒骭愁掩扉君來何處得一笑  
藹如冬樹開春暉九載無書慰離別齒堅膚實鬚如雪  
吐氣猶餘華嶽雲銜杯憶共邗關月我今去官無酒錢  
苦欲留君同醉眠夜來大叫僮僕怪誦子長歌使我顛  
叙舊追歡淚如雨故人絡繹歸黃土是日聞李叔則雷伯頴詩逾  
千首爲誰雄賸有窮交相爾汝明朝君發龍沙頭春盡  
還登黃鶴樓人生作客豈稱意笑倩長江送客愁

麻姑酒歌

有泉出石穴曰神功泉宜釀

石梁之上龍湫口野店三家賣仙酒蔗漿柔旨色黃菊  
佳者泠泠如白玉我來橋上呼一杯舉杯對山山花開  
花霧冥冥人自醉醉聞泉響失酣睡再沽一斗三百錢

不爭酒好爭神泉水淺蓬萊知幾度一勺猶傳丹井處  
碧蓮池收洞雲迷君看誰解仙遊去

荷山草堂歌爲徐仲光作

蛟不在木兮鳳不棲淵嗟爾美人兮胡爲乎窮山掉頭  
縱使老巖穴安能餐霞躡景逝人間荷之山兮似荷葉  
烟霏露濯芙蓉色山中人兮抱膝吟走幣陳書招不得  
吾聞玉井之蓮藕如船花十丈削成太華不可上不如  
一畝之宮足偃仰君不見桃花園栗里村其人百世今  
猶存

閩園牡丹花下醉歌

兩度看花司馬宅三度看花宗伯園客裏每過開口笑

花前失醉多狂言君言狂不妨爾詩自擅場嗣宗太白  
今在眼世上悠悠誰短長此花遠自吳中買古幹盤根  
幾百載不惜黃金舁入舟柯葉如山全未改閱翁灑落  
真仙翁對酒能歌語不同日張錦幄夜高燭四坐雲霞  
爛熳紅乍晴還雨愁沾濕地近東湖寒吹急百年歡樂  
能幾何秉興呼朋如不及布襪青鞋客又來餘花重見  
數枝開當頭明月復已滿人生不飲胡爲哉春風但肯  
相留得還傍花叢醉幾回

哀覆舟

巳酉四月十日  
四日南州事

人言覆舟之下無伯夷下有伯夷誰能知不見章江白  
浪翻銀屋千人一日委鯨鯢鐵樹老蛟豈斷鎖蛇身牛

首角鬢鬢官舟賈舶須臾盡賢愚作計空爾爲我時繫  
艇章門下訪舊登樓憇僧舍遙憐招手聲漸吞坐看沉  
淵淚空瀉最後一船帆已收距隄三尺驚回流反覆淪  
胥在俄頃冤魂聚族啼沙洲茫茫世路眼堪白斟酌江  
湖聊汎宅江頭一步又逃津愁殺孤舟未歸客

短歌遣悶和阮懷耦長

李杜不登第郊島皆饑寒吾鄰有二仲悲吃常相看粥  
書三十乘不充八口餐况復有客窮且鰥天寒夜永離  
思單謂阮懷蜀山鑄錢終餓死雪中僵卧還袁安男兒饑  
飽各分定何能摧心屈首長辛酸君不見東家愚翁愚  
可憐去官偃仰餘數椽賣船補屋空茫然明年且種東

臯田

桐川古松歌

半秃喬柯削頑鐵一面菁葱枝不折蜿蜒墮地垂胡髯  
倒起盤空驚屈蛻共愁騰掣乘長風攀藉還容坐老翁  
雲霧有時晝冥晦蒼茫白日迷西東我夢天台恨未遊  
數株想像石橋頭慈仁寺裏舊所見神物忍遭市人賤  
京師慈仁寺  
松下爲廟市愛君獨立凌寒烟苑枯隨意全天年數百  
年來少物色桐川耆舊今流傳誰能移傍我茅屋卧拂  
殘書松下讀

春江引送濮陽無著遊湖南兼懷龔扶萬使君

昨夜敬亭梅初放遊子帆開宛溪上楚天南去二千里



此日春江正春漲鸚鵡洲邊碧草平洞庭湖裏白蘋生  
 少壯幾時成老大上書何不取公卿仲宣曾作荆南客  
 漂轉干戈不得歇戰久西山積骨高詩成鬼哭霜天月  
 到今鈴閣罷從軍征西賓客坐論文浮湘蘭芷真堪佩  
 予屈騷歌誰共聞紛紛才子卧菰蘆嘯傲長懷楚大夫  
 倦遊我亦漁樵者搔首長吟天一隅

寄題魏惟度枕江堂

客遊把書不離手愛說草堂日在口草堂距江知幾尺  
 高枕還聞水聲否短牆絕岸石欄寬覆屋藤花白晝寒  
 逕曲時容鷗鳥入磴回直絕羃雲端亂來萬戶餘殘瓦  
 怪石橫江色如赭書屋將營九曲中

詩有讀書  
武夷之志

茅堂坐

擁三千下堂中人兮今未歸長對青谿憶故扉篋裏新  
詩傳海內江頭閱殺舊漁磯

爲劉公猷考功題孫徵君詩卷

孫鍾元先生隱居蘇門山之夏峰劉別業在百  
泉有留琴堂孫嘗贈以詩

我聞蘇門山恨未得遊嘯千載孫登去已久眼下何人  
復同調誰知尚在此山中丹顏九十成仙翁挂瓢偶爾  
同箕穎倚劔直欲排崆峒百泉山下鑿溪翠復有高人  
劉子驥兩賢相見心相傾數行寫盡行藏意天下軒冕  
紛如雲倜儻誰雄七尺身生不平世則出世汨沒羞作  
泥中人留琴堂好不得佳時來暫別烟蘿去今之山公

劉大夫借問琴堂琴在無夏峰老人老無恙鸞鶴空山  
不可孤我今多病卧菰蘆風波瀕洞愁江湖蒼生憔悴  
賴公等讓  
我狂歌歸草廬

金陵先賢祠堂歌

崇祠傑閣南山前問誰祀者維先賢在宋開慶實肇始  
舊基結構青溪邊泰伯以還人四十封爵姓氏人題鐫  
欲延血食垂香火供祭土田維七千重典何特遂湮廢  
南郊再祀神宗年議復維焦及李葉焦公竑李公延  
機葉公向高祠  
祭經營分俸錢謂葛公  
寅亮朱堂冠山下俯寺長干塔影檐

端懸書屋茅亭次羅列燦然氣象聯星躔丹腹非徒耀  
耳目薦蘋酌酒皆留連廉頑立懦此風好百年蕪穢成

荒烟狐狸所家蛇豕溷頽牆敗棘相鈎纏存者遺墟半  
侵沒父老吞聲多涕漣倔強魏生與張子謂惟度南村弔古

抗言相後先佛老精廬塞天下忍沒先賢無數椽陳侯  
磊落能好事刮磨位置重薰湔踵舊增新五十四日采  
輿論無頗偏神呵鬼護此正直孤松獨立龍蜿蜒百年  
廢緒一朝舉豐碑偉詠千秋傳於乎前賢誕河嶽上者  
騎箕魂在天縹緲豈應爭俎豆尚德崇功古所虔丈夫  
慨慷追往烈後有來者其比肩不然盛事委草莽恐使  
白日昏虞淵

隱龍山歌為兩方先生季玉五玉

隱龍之山何詰曲上有千歲之蚪松下有奔雷曳練之

雙瀑山中百靈訢真宰乞與方干作書屋抱膝高歌有  
二老坐對千山萬山看不足二老孿生舊最名年齊杖  
國聰且明鹿車並挽各偕隱兒孫袞袞羅羣英人生得  
此良不易何妨白眼睨公卿昔君六十髮尚黑相過大  
醉梓山側今年七十興逾豪采藥山南又山北我今漸  
老嬾作詩惟看弟勸兄酬浮大白

雪不止和耦長

去年冬雷震江涘今冬積雪蔽千里壓傾茅屋折松枝  
堙谷平山雪不止齋厨促饌饜無薪折柱爲炊爨書紙  
若個貧交來叩門南鄰高士僵欲死平生故懷廣厦志  
歲荒苦乏仁祖米疇昔當官不愛錢妻孥却笑今如此

流民道殣日相望不忍聞之急掩耳於乎不忍聞之亟  
掩耳已饑已溺何人耻

夜宿南湖

孤篷暮雨一天寒泥濘月黑膠湖灘野寺荒村投不得  
冰鴻雪雁鳴辛酸南山虎穴北山盜心知畏塗坐相看  
一丈舴艋十人睡僕夫側疊饑無餐丈夫垂堂事偶爾  
長嘯短歌行路難

送張菊水自郡曹攝涇川事

李白來宛溪又去遊水西君今爲政亦如此踪蹟正與  
古人齊東風細雨春陰好桃花萬樹黃鶯啼控鯉琴高  
已千載洞荒藥竈知何在留侯自是赤松輩惜才重作

愚山先生詩集 卷二十一  
神明宰山縣鳴琴樂有餘酒徒詞客興難孤桃源野寺  
行吟處問我題詩今在無

秦淮水亭集郭汾又楊商賢吳野人汪舟次聽蘇  
生度曲

客舍何人堪共飲獨歌獨酌勸孤影今日鄰翁致魚膾  
良朋偶爾成高會坐中絕調有蘇生含商激羽傾公卿  
當筵按拍絲篥亂一字沉吟更漏換空階玉佩珊珊  
重崖乳瀑寒潺潺忽聞巨石墮千仞驚猿駭鶴啼秋山  
可憐此曲真可惜會須一飲盡十石我看四坐各忘言  
况是天涯白頭客劉郎故舊歎何戡子山搖落哀江南  
是夕輕風動楊柳飛來片月明寒潭貧賤傷局促富貴

多傾覆笑殺柴桑翁  
惟恨飲不足孫楚樓前酒  
再沾桃葉渡頭歌  
重續與君爛醉梨花春  
明日東西南北人

走筆贈胡山人省遊

胡善篆刻

趨時妍媚摹古醜  
篆刻眼前無好手  
茶村獨推胡省遊  
秦漢商周靡不有  
籀斯既遠碑銘亡  
六書八體爭微茫  
我今老病倦筆墨  
爲君摩挲動顏色  
古法今人誰識得  
臨別短歌還歎息

楚狂歌贈杜于皇

楚狂爲我歌  
賣船我歌爲歌  
楚狂篇謂汝不狂  
君不喜呼汝楚狂  
君蹶然楚狂坐  
嘯無僮石開口  
便許垂千年  
詩文骨立獨蒼瘦  
自言火食非神仙  
惜墨經旬不落筆



千言俄頃驚流泉餘子靡麗羞挂眼杜陵老翁差比肩  
 吾戲汝曹亞郊島掉頭瞋目語尤顛妻無機杼子不稼  
 敝耒短鋤恃硯田好事失時真可怪吾官豫章招不前  
 君雖楚人少離楚夢想七澤空眼穿男兒赤身少兩翅  
 出門一步如登天三都嬾借皇甫重書成自序爭流傳  
 楚狂真狂吾所敬偃蹇不肯趨時賢酸風苦雨自騷激  
 直腸坦臆無鈎纏白首常貧何足厭金帛如山終可憐  
 邢顧林方邢孟貞顧與治林茂之方爾止相繼死汝臥鍾山將老焉秦  
 淮蒲長榴花發孫楚樓頭堪醉眠十年一面又分袂立  
 馬成詩歌別筵他時韓孟重會合艱辭險韵徐相煎漫  
 矜字可酬匹綃且向囊中看酒錢

抱書歎贈姜鐵夫

俗士大言盡枝葉壯夫柔翰穿金鐵筆鋒有時飛殺人  
開口露心帶生血姜生姜生苦讀書感舊憂時動淒絕  
長松鬱鬱臥寒雲哀狄噉噉號積雪腹中撐拄廿一史  
妻死家貧愁百折人情愛少不愛老兩鬢將斑生計拙  
暑雨如蒸室如甑寄食依人事騷屑眼前下士多公卿  
倔強羞從貴游說稽山鏡水足徜徉瘦馬緇塵空蹙躡  
家雞自飽野鶴饑抱書長嘯休鳴咽

一笏墓田歌爲陸集生孝廉作

陸以親喪不能舉作墓田丙舍圖泣曰得墓田  
一笏營葬足矣遂自稱笏田

有親不封死不葬男兒腸斷氣悽愴誰知作客成白頭  
荒墳未得營青嶂佳城難得真可憐黃金如土終茫然  
國士蹉跎家更破腹中萬卷囊無錢墓田一笏空在口  
銜哀側首號蒼天北邙高塚知多少秋風石馬皆吹倒  
何如束縛歸山岡大孝無文非草草笏田何處尋  
長在孤兒一寸心

施愚山先生學餘詩集卷之二十終